





武溪集卷第十二

工部尚書充集賢院學士贈尚書左僕射累贈少師謚襄公余靖

長樂郡  
振鐸西  
歸卷在

判詞上

御試十首

祕閣試十首

私試十首

甲為學官教國子以六藝或譏其執成而下不伏

立身之道雖鄙異端進學之方必資善教蓋嚴師而



育益豈執藝以同譏甲德比珪璋才堪模範東序上  
庠之地素號人師五禮六樂之文敢忘國典至於和  
容執轡夙著彝章會意差分悉有成訓咸資博諭  
式勵多能何哉或者之談罔識先儒之道且夫治民  
安上不專於揖讓周旋易俗移風可以察存亡治亂  
習于裏尺爰標選士之規舞彼交衢再紀鳴鑾之節  
偃波成字取法於奎躔回筋窮微能知於府實安可  
比之賤技固當勵彼兼才鄙事自謙雖聞尼父之語  
嘉猷可採蓋遵保氏之議固難詰以他規宜見嘉於  
善誘

乙為太常請復鄉飲酒御史以為其禮亦  
廢不可復行

教民以禮誠欲從時觀鄉有儀豈妨行古將舉治邦  
之典必先幾聖之謀况乎事著前修議非獨見太常  
以禮存沿革請頒尚齒之儀御史云政貴因循難  
興賢之制雖是非之互列在白黑以宜分順彼世  
豈五禮之心廢知其王道亦三代之可追何則舊典  
攸存鴻儀具舉賓主取象於天地長幼以倫介僕立  
法於陰陽登降有數俾其成俗可以制中三揖而后  
升所期教讓五十者立侍式冀明尊匪獨揚輝以為



容抑亦薦能而垂範嚴凝溫厚體仁義而有經西北  
東南正衽席而無亂式稽典故誠可遵行請從宗伯  
之言庶協先王之訓

丙為大夫浣衣濯冠以朝或譏其隘辭云  
儉德之恭也

卓服有章誠難偏下衣冠無僭當許謹身在全德而  
或虧於常情而何過丙也名先淑慎志謝紛華趨表  
著以思恭方期率勵服浣濯而從儉式淑者法蓋質  
樸而自居奚固陋而相罪且三三西製用辨於尊卑  
百襲矜豪未新於侈汰所期見治何云非貴而能

貧嘗觀子張之戒富而好禮式遵尼父之誅俾有節  
於身章寧妄加於首飾平津布被誠或慮其矯誣子  
臧鵬冠終亦招於禍敗蓋浴者而示儉非謂善而近  
名忘九儀之有差信一節之可尚雖義存戴禮孤衷  
為強位之譏而詩美周南葛覃有后妃之化式昭恭  
德無愧前脩

丁盛服謁使者門下令其解劍辭云劍者  
君子武備不可解

皇華宣命雖喜登門武備飾身寧宜解劍必許兼人  
之勇難從家客之言丁也修謁車入趨墻仞仰其



符采未逢躡履之迎佩披干將遂致解衣之非過既  
彰於下吏禮將闕於上賓揖讓未修侮慢可耻且繡衣  
美秩誠欲尊崇而玉具盛容難輕去就所宜與進胡  
莫辨儀雖列郡宣風漢守希佩牛之化況公門異禮  
魯人有脫屣之無事苟失於典彞義寧身於進退代  
逢吳子設請或止於膝行名重霍光簫簞傳亦羞於露  
索固當從俗奚獨亂常持斧自矜暴勝之既聞先節  
撫齋無苟雋不疑終亦抗辭勿疑披露之心在煥干  
星之彩

戊爲御史大夫泣封具獄成讎其過

黃沙具獄雖貴哀矜丹筆正刑何煩感泣苟原心而  
無濫諒承逮以胡爲戊名冠篤行任隆烏府國章明  
啓每色聽而得情奏章初成必面封而流淚詳觀所  
覆未協大中何則自逮其辜人旣彰於凶德不失有  
罪法但誠於深文儻能察必無寬何用痛其不免且  
明德慎罰雖存審克之規而議獄緩死豈有連汝之  
象況自專於決讞亦可辨其重輕若微纒之安施雖  
涕洟而何益重懲有意所謂婦人之仁疾惡無私宜慙  
君子之器但可精於慎側固應絕彼放紛悲對宰家  
盛吉未爲得義哀生棘木張敞無乃近名将示小慈



終勸大體

甲爲京尹耕者讓畔行者異路或云無益  
威嚴御下誠曰有權禮讓移風孰云無益雖浩穰之  
難理惟漸染而克成甲以德服人所居必化大田千  
耦咸敦讓畔之誠廣陌三條盡識異途之教式期成  
俗非欲邀名何乃或人旁生橫議且仁政必始於經  
界自協和平善教不爭於醜夷爰資誘導治可孚於  
繩木事且異於米鹽學校如林旣飛聲於蜀郡羔豚  
去飾嘗闡化於中都實倉庫而有知奉詔條而無失  
岐山布德遂懷虞尚之心馮翊推誠終息第克之訟

咸裨治體綽著民彝必世後仁備聞往謀一國興讓  
寧愧前修豈唯知稼穡之難不復競險易之利但可  
勵其謙退無宜督以科繩黃霸雖已失中張敞未爲  
知義

乙爲刺史薦門下吏或以爲當得山澤隱  
滯辭云山澤不必有異士

擇賢而任誠恤滯淹惟才是求何必幽隱但器能而  
可採豈適軸以爲先乙東帶立朝剖符出守心旣精  
於求瘼道固協於援能千騎長人任且隆於藩翰百  
石補吏器不問於山林爰推體國之忠允協知人之



善豈資遺逸方侯甄收且風鑒既精文子或陞於管  
庫官聯苟序衛青猶奮於庸奴所貴立賢無方庶協  
適時之用寥寥之帛徒欲貢於立園森森之材自可  
擇其翹楚具祐尊交於小吏夷吾亦舉於僻游採彼  
虛名盧毓終羞於盡餅取其大節鄭詩無棄於採對  
奚必約蘭之人方令推轂而仕雖魯儒言教當舉於  
逸民而漢守援賢止求於佳器式誚舉類無或執迷  
丙越度官府垣籬官司罪之辭云隨甲而

往

協謀抵禁法有減論冒度千刑理無從坐既投足而

同往豈原心而或殊丙德之弗修動而有悔不如已  
者方踰數仞之牆因而從之遂惟三尺之法自疎明  
慎猶啓薄言況穴隙以相從惟蕪茨而是履前王著  
令徒攀共犯之條君子嚮儒蓋守獨行之節矧府寺  
之攸設惟藩屏而是崇不得其門同臨蔽惡之地必  
求諸道當慙由徑之非雖曰比之匪人實亦動而過  
則原其發慮遽云職汝之由詳彼治躬豈可効人之  
僻各將誰執戚實已招視籬落之具有當跬步而為  
過別冒漢家之網或異首科自絕蒲入之法諒難降  
等三千之條備紀七十之杖何逃罪必甘心詞奚苦



訴

甲私行入驛驛官拒之辭云職事吾以上  
出非君命難入息於野廬名重官聯當即安於公館  
既紆朱而表貴雖按轡以何傷甲錫爵王朝改轅私  
役名司其局張旌且異於輜駟駕言出遊殊為遂登  
於館舍何哉主吏用識彝儀况銀章之自崇豈金車  
而見困地分亭埃亦既高其閑閑位列簪纓焉可止  
于逆旅官已差甚若以秩入合辨於尊卑伯宗之傳弗  
乘誠難假道子產之垣未毀姑可安身必體置郵之  
規且殊授粲之費漢朝典故自存予告之條周知職

司宜謹守涂之役豈謂治其家事即欲異於王人不  
違寧居駟牡雖非於驛騎各有攸處一宿當就於蘧  
廬但可容其寢興無或給其委積式符唐令勿亂周  
行

辛捕罪人丁過而不救辭云家有急事救  
療

逋播未擒宜同掩襲彌留待救安可遭回苟或責其  
容姦姑合先於拯患辛事當祇役職在追逃力而拘  
之飢鷹之効不展勢不足者困獸之關方勞者彼邊  
塗之人式冀執兵之助備其越逸此望惠然肯來憂



在族姻彼乃往而不返誠或慮其飾詐諒合原其執  
心網恐漏於吞舟固宜并力病方深於易筭安得忘  
情徒欲詰其圖全未可罪其爲己囚其亡命雖追捕  
以攸先人各有親當患難而自救縱云行邁殊匪坐  
觀逋逃之黨未除遽令適我瞑眩之求不濟則欲怒  
誰職且異於追胥罰難加於行路是則彼有詞矣姑  
合宥而捨之

秘閣試十首

甲建議請依漢舉孝弟力田者復其身難  
者以爲古今不同恐生僥倖

行著閨門固宜勸俗力勤畎畝未可興賢將施復筭  
之科當舉酌中之典甲學雖博古識未知今徒謬鑿  
其謏聞遂堅陳於白奏以謂教先三德必求鄉黨之  
揚名地給百廩宜察井廬之懋力垂爲科制視彼賢  
愚苟能傑於等夷則使蠲其征賦未臻其極夫豈無  
詞何則魯分德行之科誠爲選衆秦急耕戰之務乃  
俾復身事雖著於典章理或資於沿革謹循陔之養  
自可旌門富連阡之田寧容咸筭愷悌有移風之益  
胼胝乃潤屋之常徒欲勉其劬農烏得比其抱義賢  
者貴者周官弛力而有經或耜或耘漢制免徭而爲



濫但可察其高節禁彼情游且負甲能趨魏氏雖寬  
於一卒維桑念舊世祖猶惜於十年庶誕協於布常  
難兼行於優復

乙以賊抵罪至死丙與之聯事哀其母老  
詣獄自陳與乙同受欲減其死有司不許  
曰吾不於狀外案事

交游重義當濟急難獄犴貴情奚輕糾劾雖欲許其  
排患固宜執彼受中乙也行乃奪先官非詔德水壺  
失檢將書伏鎖之刑綵衣承顏遂廢循陔之侍眷言  
益友遽啓嘉謀自引姦賊蓋欲令其緩死相先爵位

奮不顧於危身慎測言機宜敦治體官曲取事雖聖  
相坐之條吏局蔑私當察獨行之志本殊共犯寧信  
自誣養闕北堂誠憂其待盡議專丹筆難濫於非辜  
爾雖重於金蘭我豈輕於徽纆梟鸞並翼縱未革音  
玉石同焚恐為傷善所宜理奪安取面從君子結交  
義徒深於刎頸前王著律罪固在於原心無聽憑虛  
庶諧閱實

丙嘗與丁有舊亡命抵丁不遇丁弟戊年  
幼因留舍之及事泄有司收丁戊送獄戊  
曰保納舍藏者我也丁曰彼來求我非弟



之罪州縣不能決遂上讞之

罪因容隱卽坐藏亡詞苟逮連先科率下當責正家之道庶諧治國之風丙砥礪自垂廉隅靡慎動旣罹於漢網滅耳堪憂逸遂同於楚囚脫身有計始求舊而無遇俄菟隱而有歸旋聞欲蓋而彰彼皆不受其死丁以瀟魚見詰情本締交戊以題鳳未逢罪歸隱惡各感遺身之分競推約法之宜雖義重鵠原將讓生於季弟而令行漢帝終報重於元昆式協事機庶諧刑典胡爲州縣之讞罔達朝廷之規且曰爲兄之難須從任長之律叔段不悌鄭伯有失教之譏文與

保奸孔褒當隱賊之坐况云年幼宜協律文

甲建議請依古法置銅虎符給郡守每當發兵遣使者至郡合符符合乃聽受之所  
以慎重戎事難者以爲其法久廢行之無益

事重幾微雖崇使節時逢開泰焉用兵符志徒務於經邦理何忘於觀變甲也自矜博識罔達嘉猷以爲千里宣風旣共馮於熊軾六韜董衆請復頒於虎符冀皇華之或臨俾軍興而無妄詳觀獨見恐泥舊章右一左三誠則重其戎事先庚後甲亦將順彼民風



苟專金革之容將異詩書之教且靈臺師節况當舞  
羽之朝豈英蕩使威獨啓握兵之用在古今之異代  
豈泐襲而一貫司馬以牙璋起旅式紀周官會稽以  
髦節興師終非漢制矧茲凶器安露沉機且發即堪  
憂世祖嘗云於鬻鬻雖合而爲信晉鄙未免於心欺  
徒事危言殊非利首

丁爲別將遇敵強不戰而退主帥責其異  
慝之罪丁不伏曰見可而進知難而退軍  
之善政也

陷堅却敵雖期必克全師保勝則貴知權苟免喪姓

之羞難責臨戎之略丁建牙裨校賜戟別屯提虜旅  
以先登達豹韜之妙識裹糧坐甲雖有奪入之心高  
壘固軍誠在知難而退胡爲主帥自昧機鈴徒謂耻  
於交綏曾未得於多筭且夫什則圍而倍則戰者自  
前聞小敵堅而大敵擒存諸嘉話豈輕備禦自取覆  
亡鋒不可當爾雖慙於避銳寇無所掠我未爽於知  
兵所期量力而行寧妨觀釁而動有進無退誠或譏  
其逗留鞠旅陳師合先明於勝負鬪雖同於困獸慮  
宜盡於前茅自全必勝之名孰致非夫之誚楚稱六  
間徒聞卻至之言晉全三軍合採藥書之策勢使然



也人其謂何

乙爲國將其兄嘗爲敵人丙所害後丙敗來降其國君勅乙曰丙即至人馬從者敢搖動者致族夷乙曰兄弟之讎不反兵

亢宗私室有怨寧忘受命王朝雖讎必捨苟避嫌於虐我將取誚於非忠乙志篤弟恭名高將種昔多患難痛斷手於兇人今旣平寧覩束身於皇化俄屢承於君令俾無復於仇家奉以周旋難乎進退執兵待報嘗悲列鼎之身牽羊旣未難背如綸之旨縱高義之所在當首忠規苟釋憾之弗遑未足爲禍若廢命而

之儀聿重閨門之賁可

德妃沈氏曾祖升贈太師宜特贈尚書令

勅朕丕承洪緒稱秩舊章羞潔竅盛親享清廟贊奠珪幣祗薦柴壇神靈降格福祉休應思與率土同此純禧外庭措紳朕之輔佐咸布寵澤被於存亡矧惟先朝妃御協宣陰化宜有恩榮逮于祖禰某官純誠格物懿行聞時聿生柱石之賢以爲廊廟之用積德至厚流福無涯肆惟曾孫實參內職荐被密章之寵彌增壤樹之光宜加三獨之榮以示六官之美可

曾祖母追封燕國太夫人華氏宜封國太



夫人

勅朕親享太室展追養繼孝之誠茲祀園立成報本  
反始之禮精意所感繁祉來同內外職司恩渥咸被  
其曾祖母某氏婦順修飭母道嚴明聿生佐命之賢  
以濟奕世之美調鼎之彥已顯於廟堂采蘋之範更  
流於宮掖今以雀釵之貴荐加象服之榮推此恩華  
共光存沒可

祖贈太師尚書令冀王倫宜特贈兼中書

令

勅朕嗣守丕業奉順先猷三歲一郊百神受職芬

乙爲給事中制勅有不可者遂於黃勅後  
批之吏曰宜別連白紙乙曰別以白紙乃  
是文狀豈曰批勅耶有司劾以非事君之  
道無人臣之禮

事協謀猷固宜將順職居封駁安可依違若毫釐之  
有差在彌縫而必正苟責事君之禮盍先體國之誠  
乙才可兼人位未充量青瑣要務既踐夕郎之班黃  
紙除書或塗兼相之字庶昭骨鯁以備箴規初啓宗  
泥之封未敢奉詔者連白狀之尾不如無書雖天語  
之已宣在朝論之必振慎其出令誠無反汗之期勤



於獻可奚懼犯顏之責儻從吏議恐昧國經且王言如絲自存於綱紀而臣心若水卹効於脂膏異詭隨而自居豈忠亮而為罪漢代或旌於肅奉唐家亦美於封還哭李谿之白麻誠為沮事批叔翰之黃勅難廢泣官當許直臣無拘局節

甲為亳州刺史州境有群賊剽入廬舍劫奪貨財累政不能擒捕甲潛設機謀悉知賊之巢穴乃起兵盡誅斬之廉使責其先啓聞効以擅興之罪甲曰翦賊除兇不容息若須啓報恐失機宜

政宣死士專命非忠師如疾雷擒姦責速必重群紛之誠寧貽動衆之譏况乎職在宣風民未安堵眷彼崔蒲之黨方恣敎揚乎桴鼓之威宜先勦絕胡為執政曾未協心刺史以戰得廟謨進宜耀於貔虎廉使以兵稱凶器動必待於絲綸彼雖虞於擅興此已成於拙速且株徒既歿尚曰時予之辜儻滋蔓難除抑亦是誰之過責其制變恐未知權待越客而操舟何能拯溺白大人而救火應已焦頭苟協機宜難科專輒死或枉於金革不俟君言事苟利於國家豈虧臣節式顯發姦之志當許幹時之策蒼鷹將逐於鳥



雀武怒可嘉疎網未漏於鯨鯢刑章斯得害既除於  
惡馬理無取於亂繩不得已而用之此宜無罪寧學  
斷斯獄矣人豈有非

舊制戶絕田土皆没入官丙建議請給與  
見佃人難者以為戶絕之家悉是鰥寡孤  
獨若給與見佃之人佃人利其土田恐生  
窺伺枉害人命

土均三壤素號於王田人謝九泉豈私於民惠况乎  
名編生齒賦取食毛全歸方歎於天窮莫詰謂編籍  
没式頒於戶令用絕覬覦重為典章多歷年所

以國不言利請散於族姻難者以人皆有貪恐生  
僥倖雖是非之互舉在明漸以宜防原隰丘陵既厚  
連阡之入鰥寡孤獨寧無真董之虞儻富貴之可圖  
諒姦詐之必啓兼子旗之室嘗聞立宰之嫌破石宗  
之家亦切利財之歎遂令游惰之輩悉生窺伺之心  
非大猷之是經曾小惠之未徧且周公垂法自存井  
牧之規豈伯道無兒却為隣里之喜舊章可舉新意  
難從

私試十首

乙領選部舉丙為吏議者以丙父得罪



不許辭云罪不相及

錯薪求治舉必擇材實棘施刑罰寧及嗣用蓋資於俊又法可取於繁苛乙位列天官識高風鑒再擢逸羣之俊爰敷舉善之方教缺家肥人雖憂其肖父罪非孥戮理未廢於興賢當國器而是求豈門閥而見棄仲弓積行嘗觀犂牛之嗟大禹立功寧坐羽山之黜何謂從其類也固合取其節焉拔茅必協於彙征雖聞選衆採菲苟遺於下體無乃失人若堂構而是思恐輪轅之未盡饁田秉禮當成卻缺之名伏鎖就刑豈傷嵇紹之舉矣宜棄我蓋許援能雖黨錮逮連

漢代嘗聞於廢族而網羅遺逸周人弗絕於起家宜詢子也之良無糾父兮之惡

甲未冠而戰死里尹欲以殤禮葬之鄉師不許

未加冠弁禮雖下於成人能奮干戈義必旌於死國謀且高於出類制寧拘於龍裳常甲勇畧首居軍鋒甚銳筮廟門而加布尚邈冠期歌虞殯以舉旗願先戎事志方堅於血刃身遂陷於膏原里尹以年在佩鵠當從降服鄉師以力能衛社難減遣車各執是非之心互有異同之論若童心未變當從厭祭之儀况士



節可嘉宜徇旌賢之議短長斯見用捨何疑敝無存  
之先登葬猶加等陳子行之卽敵死乃盡忠豈待請  
醴之期欲削成墳之制周公舊訓雖有祭宗之文尼  
父嘉談嘗著勿殤之義能存焉援之志勿貶童汪之  
容

丙獨居一室夜暴風雨隣婦室壞趨而託  
焉丙閉戶不納或譏其不仁

急難相救思仁姑務於恤隣居處必莊君子不忘乎  
慎獨雖幸災而是懼當欺暗以爲虞丙也儼若攸思  
塊然危坐謹爾容於異室偶天變於中宵莒婦興嗟

梁木其壞曾人守節風雨不渝徒款扉而見投終閉  
門而弗納窮來歸我任潔志於冰霜人而無儀恐致  
嫌於瓜李蓋期乎率履不越豈忘於惻隱之心且女  
子有行夜必思於秉燭而賢人之德疑亦戎於拾塵  
况乎大欲存焉曷可苟而已矣援之以手旣異子輿  
之權姬不逮門難敷展禽之可當杜未然之謗宜旌  
不亂之言責以羣居慮非達理

乙名譽不聞或責之辭云友之罪也

道貫五常雖資力行譽流四表必假友生旣兼該而  
育成在愉揚而乃顯乙智高博古學富知今鼓篋師



門肆鑽研而自得斷金交態掩聲稱以無聞遂與或  
者之譏實自良朋之過且王陽筮仕古人嘗喜於彈  
冠朱博知名當代共推於結綬探蹟既勤於道術嚶  
鳴寧忘於奮飛削牘三千媒銜雖能延譽寓言十九  
吹虛誰不因人學苟廢於修辭固宜罪已義或因於  
蔽善何謂得朋才既由於爾知聲豈資於我鼓顏面  
好學在尼父之所稱蜀嚴逃名因楊雄而益顯當責  
如蘭之契庶諧伐木之風

武溪集卷第十二

武溪集卷第十三

工部尚書充集賢院學士贈尚書左僕射累贈  
少師謚襄公余靖

判詞下

丁爲大夫薦而不祭或責其不孝辭云未  
給圭田

羔羊有位姑務奉先田祿未頒則當殺禮志不愆於  
率義理亦貴於從宜丁一命方榮十倫尤闕班趨表  
著祭當取於首時地薄都家薦乃從於仲月儀雖偏  
下事貴舉中且圭潔取名尚闕容於百畝而博碩爲



用難備數於三牲豈故廢於烝嘗蓋有差於爵秩况  
國章具舉固已辨於等威家廟致豐詎敢踰於各位  
宜許率常之節勿貽忝祖之譏身以豚肩從鄙晏嬰  
之隘陳之羊饋豈傷屈建之賢未全大夫之恩何切  
庶人之誚有嚴籩豆苟殊豐昵之嫌無取案盛當採  
薦新之制亦猶行古寧以他規

乙為將兵士寒餒乞襦乙不之與或責其  
不撫士卒辭云人臣無私施

輕財撫士雖得衆心散物擅恩恐非臣節將舉即戎  
之責須存許國之誠乙也黃石貽謀漢壇膺寄飄風

冽冽方當瘡指之寒被練將將怒有乞襦之者賢哉  
臨事展矣能謨志在恤人誠合矜其凍餒美當歸上  
豈宜奪彼慈仁自敷御下之方將教尊君之禮絕甘  
分少固宜推彼赤心別嫌明微何必行其小惠縱使  
求之不得我乃思而無邪散漢將之黃金雖聞大略  
均楚師之挾纊蓋自溫言憫一夫未足稱賢存大義  
故能和衆下車濟涉子產所以貽譏在苟絕私仲達  
於焉見賞不敢專也可以事君雖無與之不失其正  
乙春田火弊或告其暴物辭云獻禽以祭

社



啓蟄布和誠憂害物萊田展禮寧廢獻禽事未悖於  
天時理蓋勤於事典乙素推卓識頗達舊章因農隙  
以備儀順春蒐而行古下綏止殺圍必戒於掩羣揚  
炬弊略義將存於擇孕蓋取順天之制寧同暴殄之  
威乾豆是求克廟庖而有品青陽式屆伸地道以何  
慙止車用協於周官艾蘭聿符於魯道雖區萌既達  
須行太皞之仁而麋郊無傷奚爽虞人之職縱國門  
之將禁在野禮之必行原隰未耕方及焚萊之候置  
罟暫往終非委馱之徒既薦以松之神式協除苗之  
害因蒐狩以習武自有邦儀戒馳騁之發狂未羞古

訓克比獻鳩之度無愆配稷之容

丙舉盜以為公臣或非之辭云可人也所  
遊僻耳

殖財斯濫誠曰非賢染惡可矜奚傷見舉未爽援能  
之道庶臻遷善之風丙識達惟精名光則哲爾將喻  
利既結黨於蕉蒲我務擇才故取節於葑菲跡雖殊  
於疾惡志所貴於激貪所遊弗近於正人縱乖積習  
善誘必成於佳麗亦可甄收况多能而是求諒一青  
而何掩陳太丘贈謙致悔遂絕貪民戴若思投劔改  
容卒為雅士庶有期於折節寧無謂以惠姦苟非逸



群之材奚勝額俊之舉不須求備管庫自可同升勿謂難知奴虜猶聞見擢儻能旌別庶免滯淹行匪固窮誠愧蘭雍之視善當必用無輕管仲之謀亦冀從權未為失選

甲莖讐人之妻或責其不義辭云滅其可滅葬其可葬

執兵有報睚眦既除委骨無歸瘞理何爽雖疚心於雪我難取銷於非仁甲智妙見機志先行古齊襄自立已雪九世之仇紀婦何華方崇四尺之墓且勵精於制耻遂順變以從權釋憾是圖患雖深於側目遺

駭奇棄禍豈及於齊眉徒有切於忘生固未宜於惡怒義士切齒漢俠誠務於遺身婦人僵尸魯史嘗譏於非禮姑存大節無愧責言况乎損怨為忠爰著作威之誠益仇非智當從敵惠之謀矧異枕戈之人那傷掩骼之化復讐因病尚耻非夫加禮既亡胡為不義公羊可採青烏必行

甲授田不入國征里尹責之辭云加田

賦均三壤必入地征賞有加田豈同民筭式舉優賢之典盍寬量歲之科甲貴列命夫名高國士分地之利祿均既啓於都家食土之毛功懋復頒於畎畝何



哉里尹惜彼邦經稅孰責新雖欲歸其王府方輸錯  
出寧宜及彼圭田既異任民之居盍視節財之式奠  
什一之賦爾誠務於徇公取三百之未我蓋因於褒  
德當遵古制無亂彝章本殊食菜之榮自分公邑復  
異連阡之富止實私囊賜既表於主恩貢難從於吏  
議指膏腴而因請况非王翦之謀美勲勞之所加宜  
守周公之法式期勸善當許免征

乙為刺史術者告將有火災請用璽竿以  
穰之乙不許或告其愛寶棄民辭云天道  
遠

政經勉順誠務恤災天道淵微寧先惑衆自得安邦  
之術誰與愛寶之譏乙也任重股肱憂分宵旰誠每  
敦於亮直志靡尚於奇表執技之徒視侵遽稱於星  
變先時而倚奠玉請穰於火妖既務宣風寧從語恠  
雖鬱收之氣將深徹屋之虞而幽榮之儀曷容非鬼  
之祀矧條教之斯職當器識以攸先王商正議於水  
災民憂自息劉劭抗詞於日蝕軋象焉知固宜求福  
不回式昭非禮勿動若事存萌漸弗絕本於訛言即  
害有流行恐誘民於左道儻責躬而未至雖致享以  
何為塗潦可防當思廉范之教璽竿不用未傷子產



之賢編氓可使由之太守斯得之矣縱遠禪竈之辯  
終免鄭人之憂

丙濟君之難賞之不受曰非為身也或責  
其矯

臨老奮命可謂盡忠辭賞逃榮何傷察已勇既稱於  
排難志且異於飭非丙也位列王臣才標國幹推誠  
可以貫白日吐氣可以截飛霓竭以股肱拯綴旒於  
將墜昌其鋒鏑示勁章以彌堅當秉節以無渝諒殺  
身而何懼疇其爵邑將酌汗馬之勞棄彼利名遂返  
屠羊之業蓋濟君而是切豈微賞以為心董安于不

尚戰功固慙注疾介之推靡貪天力爰比竊財始隆報  
國之謀終獲退身之美斬肩是衛書符帛以何慙成命既辭雖  
茅土而奚責自高淡泊孰謂矯誣魯連能下於遼城寧邀縶  
組申胥再安於楚國無取執圭忠義可嘉撫讓那爽  
乙為政請隳都城譏其無備辭云都城不  
過百雉

政在而益榮豈多備城苟過制何謂弱枝爰啓見機  
之謀當許復隍之請乙器能高世忠亮拔群方推許  
國之忠遽展濟時之略以謂金湯作固誠多藩屏之  
功控帶相高必啓寇戎之害式陳良筭允叶明謀庇



民無假於深池頽墻頭填於濬洫且赫連定霸雖增  
蒸土之勞士為知權寧慎實薪之役深詳得失妙察  
輿畏縱墨翟多能九攻聞解帶之術而鄭丹遠識五  
大有在邊之機蓋虞乎讐必保焉蓋循乎古之制也  
今京不度在百雉以貽憂夫魯有初諒三都之必毀  
允合仲尼之志何慙由也之忠

甲父在而受車馬之賜或責其違禮辭云  
崇君命也

爵祿有制當避父尊車服所旌難廢君命恩苟推於  
懋賞禮未爽於從宜甲也器幹淳深識局淵懿趨庭

承訓既盡綵衣之歡報國成功遂膺先路之賜遽  
譏刺當體謀惟古者襲爵於父兄故當殺禮今也擇  
材於後人豈限常科博古所貴於知今達禮亦宜於  
察變向魁無祿而多馬誠紊國章張酺有位而賜車  
與傷子道無拘介節武協大猷時既改於漢官事難  
盡於周禮叔孫以葬平子雖欲妄詞石建及門當代  
未聞致請但守一經之教寧懷駟馬之嫌况親在而  
益榮豈位高而見怒

歲有札荒刺史欲移其民縣令云民有所  
守不可移刺史不許



歲功不順誠貴利遷民守有常固難遠徙雖舉恤災  
之政必存從俗之謀眷彼編氓處茲列郡札瘥爲梗  
當天癘之流行旱勞多傷致地財之耗斲蓄欠九年  
之用食憂三輔之艱竹符以適彼樂刻吏推息於拯  
救蒲宰以越在他境恐成弊於流庸皆懷恤下之心  
當體濟時之道咸其漕運彼既切於移民守以封疆  
此固請於歸粟雖周官之備紀在唐令以兼明卿有  
寬間當徙家而必盡地居雄望俾減戶以誠難薄征  
固可以撫毗荒政不專於就賤晉國舉郇瑕之壤雖  
喜近甸魏王移河內之人亦譏罪歲故知拯患必務

### 從宜

乙居草澤被召到都謁見不拜或責其失  
禮辭云禮者忠信之薄吾以忠信奉禮

蹈光絕俗則全高尚之風應聘趨朝必順尊卑之序  
雖疑情於方外難失節於君前苟亡九拜之勞是慢  
五常之教乙鑿坏曠達築室逍遙擇豹霧以深藏緘  
鶴書而屢降沈冥谷口既祇命於軟輪咫尺天威遽  
抗容於文陛務誇誕而廢禮忘盤辟以致恭問以辨  
之徒云忠信之薄必有尊也柰失朝廷之儀辭既妄  
興義將安取若隱而未見固當高尚蹈於山林且賁然



采思豈宜長揖於君父縱曰遺榮於軒冕其如被旨  
於絲綸昔周亞夫之御戎徒矜介士蘇子卿之秉節  
止對單于未聞謁見之初全微拜起之度許由洗耳  
雖輕萬乘之權盧鴻好名已悖四維之道宜從斥罷  
用肅威儀

丁行堂贈人告其左道辭云古禮

國難藏事式期毆疫堂贈肆儀孰稱疑衆蓋取順時  
之禮無貽失節之譏丁也識局該明事機詮練礫牲  
致用畢春氣於九門執蒞備容逐癘神於四裔何哉  
致誥曾具表微蓋示訖於歲功亦猶行於古道執戈

揚盾既取象於毆除逐舊迎新且齊名於攻禳理符  
有事爲匪無稽宣尼立阼之言其來尚矣周人清廟  
之制而忘諸乎葦索之用克宣朱衣之容式顯食虐  
食魅其徒寔繁無筭無方厥儀斯在呂禮備存於梗  
槩漢官允襲於源流執巫人之桃謂予不信削神荼  
之版非尔所知自得爨章誰云左道

乙自爲鼎銘以稱揚其先祖之善或譏其  
蓋失數美辭云孝也

矜功作器誠慮褊心揚名顯親何傷善教爰表奉先  
之志奚稱數美之非乙不私其身亦猶行古念彼先



人之道綽著光輝飾以君子之辭敢忘論譏聿崇彝  
器用紀嘉猷榮考父之芳銘家聲不墜勒景襄之茂  
闕祖德長存儻有善而不知諒爲人而非智述而不  
作所以纂乃舊勳煥乎有文所以著之後世苟或譏  
其隱惡無乃失於知言數宋督於華孫蓋羞失禮箴  
季平於武仲亦謂妨農况承襲之是先豈揄揚而見  
誚勒盤盂者尚聞垂訓紀鍾鼎者孰謂非宜所期動  
則有成是冀死而不朽異彼周王之作寃擿貽機同  
乃孔悝之銘斷獻備載古之制也入其謂何

甲建議請標檢遠年逃戶田土充百官職

田可以激勸廉吏難者以多少不同而勢  
家奔競請盡沒官

仕田有制蓋欲厚賢邦土未均盍防趨利將舉建中  
之策必遵經世之謀况乎百郡張官九州分壤建議  
以豐其衣食請頒曠土於羣難者云限以封墻且  
慮庚邦家之具制共期康國咸竭危言將研事機當  
先治體何則古者分其縣削皆給受於王田今也廢  
其井廬悉割列於民業必若取足於逋播豈不生奸  
於覬覦矧雄望之有殊奚賦畝之能一旦名都大邑  
多者有連阡之收而瘠土近郊少者乏立錫之所遂



使下自銓管上登公侯徒間膏腴罔知勤恤上地沃  
野咸歸貴勢之家游戶墮農悉爲衣食之客未立均  
平之度頗增奔競之風實橐裝者則云可勵廉隅無  
地求者豈曰悉爲貪污雖五十畝之舊制嘗聞孟子  
之談况三百廛之上腴已壞商君之法公邑家邑亦旣異  
於周官寬鄉狹鄉且已頒於唐令豈流庸之未復因  
刈穫而是圖指曠野以爲田配罷民而增賦奉其祭  
祀方殊食菜之榮異其州閭奚偏種秫之入既小惠  
之未徧當六猷之是經苟謂必勸其廉平曷若例加  
於俸給請從新法無取舊規

大廟薦享甲有總喪遣充執事科太常  
誥云甲不自言

吉蠲鎮信蓋重於至誠哀素居心寧行於大禮事雖  
由於廢命過當坐於隱情况乎宗祐鴻儀豈嘗順祀  
備牲牢而登俎將示恪恭釋縗經以及門恐非齋潔  
再申令甲綽布舊章胡爲叢薦之徒敢亂吉凶之制  
禮稱寧戚忘布縷之在躬時及告虔披冕弁而與祭  
觀其罔上無乃黷神俾居遠豆之間將失廟祧之體  
且堂事室事固合行之有經錫纒疑纒安得掩而不  
問式期直理宜辨終詞向若凶釁素聞罪必歸於常



伯苟或哀推自秘罰當正於總親庶無濫於刑章亦  
不愆於祭典

乙代判官文書有司科罪辭云本案事直  
官命未改各謹分曹人心不同寧容假手苟自輕於  
觸法諒奚測於挾私乙撲檄微材斗筭賤器忝庇身  
之官邑方侍獨賢顧堆案之簿書俄欣代判既彰落  
筆之敏旋聞離局之訐且虞人至賤罔徇招弓之儀  
雖宗祧多能寧兼越俎之事宜慙過舉無或失辭足  
驗名愆胡云理直分職辨洽况乃無相奪倫染翰飛  
文安可不思其舊縱虞滯訟盍問攸司小智爰居尚

居挈瓶之假彝章可舉當知代斲之傷必附深文  
勞薄訐官無留事爾雖稱於徇公邦有常刑我用科  
於離次

丁去官而受舊屬饋與或告其違法訐云  
家口已離本任

食槩養廉執心斯可及瓜交代改操則非安得因其  
去官遂不思於潔已丁也才高有位秩滿將遷飛鳳銜  
書亦既榮於寵命解龜罷政遂靡讓於好羞謂行漢  
之有期曾厭私而不懼况古之循吏名列青編掛府  
丞之魚誠在蒞官之日留壽春之犢實惟去任之晨



何乃肆貪罔知守節歌鄧侯之五鼓曾是遵途持山  
陰之一錢當思勵俗徒欣苟得豈曰能謀重耳受殮  
蓋當於旅食叔魚反錦益愧於公行如云不爾瑕疵  
則恐罔知紀極推恩布化未聞畫象之遺風黷貨啓  
奸遽恣貪狼之本性縱離境壤終喪廉隅減三等以  
定刑乃九章之垂制

壬盜乙馬歸而產駒法司斷并駒還壬盜  
以駒非正賊不伏

盜肆狡歎雖祈苟得物有蕃庶誠宜復歸但懲以  
之式叶防淫之典壬也蕉蒲命呂溪懸疑懷之稟

房精既懷秦穆之駿價傳龍種遷產溼注之駒初  
執勒之奇俄敗穿窬之所求言司憲三舉成規代勞  
方總於君軒必復其始游牝縱生於爾室亦又何求  
既盡意於邦經尚見非於寇黨徒煩亟請難改前言  
且貿易之貨他類猶聞於歸主矧阜蕃之畜見賊安  
得而惠新無差伏檻之謀當從共阜之本宜詳洽體  
奚取盜言獻美乘於虞公終爲晉府返名駒於北叟  
式叶莊篇勿輕轅下之賊必採受中之法

庚二罪俱發過失犯流單丁犯徒法司以  
加杖是重判官以流坐爲先



凶德兩彰播棄為重贖刑兼用居作攸先為擬議以無私則憲章面弗紊吏智慙假器愚甚守株備慮乖宜遽抵荒之禁猖狂自恣仍書座右之銘惡既覩於腥聞理尚疑於決讞罪因過失法乃從於贖金入或孤惇刑則止於加杖罰金非播棄之比加杖殊居作之勤憲司云入以百鑠未為重斷主判以傷於一跌亦附輕條既是非之不同在取捨而宜審思詳常憲當協大中罪若等於徒年須從審令罰且深於流宥難用鞭刑所冀慎思寧煩偏見囚未投於魑魅誠慮恢疎法雖增於榜笞亦如歛恤宜從出貸庶可泣

事  
壬持刀仗入讐人家法司以謀殺人論訴  
非一人不伏為謀

挾刃獨行雖非結客傷人有志何同謀既式辯於讐家復奚輕於邦禁主也勇惟尚氣意在遺身追縱燕市之豪呼跡夷門之俊始因胥怨方增堂蔭之羞終乃交仇遂起執兵之變將攻舊隙爰肆偏心操盾持矛雖未諧於釋憾升堂入室固已切於捐軀曷為加辟之期猶恣欺心之語挾專諸之匕首足驗輕生及趙盾之寢門寧無發慮奚煩借往乃謂矢謨豫讓斬



衣本之談諧之旅白公礪劔那聞協贊之徒在怨府  
以斯明豈邪朋而是問雖或先或後弗詢死黨之言  
且已傷未傷當用調人之禁爾之罪也夫復何云

乙家有論語讖或告其私畜禁書不伏

疑衆成書必嚴邦禁解經有說寧廢家藏義已著於  
公行罰豈同於私習乙忘勤稽古學富窮微巾箱如  
務於多聞几案遂存於異覽名以出義雖比桓譚之  
非書不盡言蓋述仲尼之志何或人之致詰昧前聖  
之書規齊七政於璣衡本殊於象立五經之管轄當  
捕微文若令該博之徒盡比包藏之禁至若乾文淵

說時變幽深皆倚伏之難明恐生靈之易惑亂之所  
由生也民不可使知之爰著前聞式嚴彝憲我異於  
是人其謂何締候相高號雖同於恠牒典墳一貫理  
終異於神經自當參驗人區豈獨探抽真蹟術符箕  
子猶存建極之談時匪李斯難舉挾書之律

丁以律令式內數事不便奏乞改行大理  
以不先申省斷徒訴稱詣闕上表不伏

削牘南宮雖存舊制奏書北闕難坐直言當壙撫而  
有謨豈彌縫而獲罪丁公忠秉操亮直推誠方堅事  
主之心遂啓經邦之策懼滋章之積弊或未協中思



簡要以成規弗慙慮始固非矜於出位蓋祗務於適時爰倚舊章以明新意雖飛文綵筆未經喉舌之司而封疏阜囊已竭腹心之語胡爲列棘尚昧彝儀謂革故於丹書必取模於會府將言利害宜究指歸若道遠邦畿議當資於八座况躬趨輦轂言必達於九重事所貴於隨機理豈煩於致詰書一苟虧於前定利百何爽於更張子產之鑄鼎定刑縱貽譏於叔向商君之徙木行令固難屈於甘龍苟可彊國利人何必守文拘制無塞言路以叶政綱

壬賣七歲女子法司斷徒訴云家貧賣而

### 葬母

鬻良犯禁固涉不慈卜葬慎終則先惟孝志且隆於喪紀罪盍寬於簡書壬也爰救興嗟寢苦居苦旣切終堂之痛將興茲宅之謀三寸桐棺嘆未諧於壤樹七歲孺子固願易於囊錢庶展事於泉局遂割情於天性胡爲執憲必使服刑且有無稱家慮居雖立於明誠而豐儉中禮歛形當盡於銜哀苟窀穸之弗完則嗣續而安在故郭巨埋子天尚聞於降祥董永賣身時未覩於加罪欲明慈幼之道先存送徃之誠必覈是非須詳得失苟獲平居見售宜稱壓賤之條其



如巨痛填膺當許事親之節豈可委之溝壑而欲篤其閨門發喻風枝既永傷於荼毒未安高里尚何愛於童蒙固在原情無煩實罰

丙為縣令農務未畢而差夫修隄州責其非時辭云暴水泛溢不修恐害居民

勤民之役錕戒失時止水以防所宜救弊用必先於急務理豈徇於常情當許從權何煩致詰眷茲縣壤旁界河流綺勝晦晦未畢耕耘之務今隄浩浩將成羨溢之災誠有慮於傷農必先防於害物梓草把土彼錕勤於大田陪薄增卑此亦憂於小決義難施於

兩可利必歸於一源綏欵刈於夫家所損者小恣澤流於我里其傷實多然則得在從宜失於備豫繕完有制當農隙以先成昏墊無虞任水存而何害或有防於蟻壤亦未耗於民材若乃循舊攸虧傷切斯開憂同瓠子方展計於負薪勢等子津乃効愚於捧土當從州責以勸吏能

庚為獄官拷囚數滿不承欲取保放之法司云贓狀露驗宜據狀斷

拷掠弗承誠宜判遣贓狀或露亦可稽詳苟再思而不疑在兩端而必叩庚也職司叢棘伏念幽囚縲紲



之中五聽備研於辭色擗楚之下三訊未窮於是非  
眷茲獄法之官各以律令為據司園以榜笞既極不  
加刑焉執憲云縱跡可尋斷斯獄矣然則五毒備至  
有詞者難俾伏辜九章甚明隱情者不宜免戾至若  
事必先於審克罰無宜於濫施昔漢祖柏人貫高彼  
刺肌之痛楚相亡壁張儀淪刻骨之寃皆出狐疑終  
聞開釋若乃殺人者既彰實狀坐贓者已獲見資且明  
白而可知諒結正而無枉非此物也胡可比焉理貴  
從寬法難任意

獄囚未斷而格令新改法司引後勅為正

判云犯時格輕新令稍重欲從輕法

訟革異宜雖遵後命俘囚待弊必從輕典當順以寬  
之教庶廓在宥之懷眷彼庸材齒于編戶出作入息  
方承蕩蕩之風惡稔貫盈遂陷恢恢之網聿罹昭憲  
乃實園扉詞置鈞金將成於具獄令行徙木忽改於  
舊章既丹筆之未書故兩端而起議將垂經世之範  
猶疑在禁之人憲司以其命惟新何可廢也從事以  
惟刑之恤不已重乎再詳抵禁之初方當改度之始  
刑必當罪法寧與人且除舊以布新雖宜捨舊崇先  
輕而後重姑合適輕令式具陳古今共貫縱利百而



變弗取樂成稽畫一之規固聞前定俟其來犯乃用  
新書

武溪集卷第十三

武溪集卷第十四

工部尚書亮集賢院學士贈尚書左僕射累贈少  
師謚襄公余靖

表上

乞外任狀

再乞外任狀

免知制誥狀

免判銓狀

免知諫院狀

免史館脩撰狀



第二狀

吉州謝上表

乞分司狀

謝分司狀

謝轉光祿少卿狀

免南班第一狀

第二狀

謝轉衛尉卿表

虔州謝上表

桂州謝上表

乞解職行服狀

第二狀

乞外任狀

臣誤被採擢待罪諫垣自揣空疎無以上報去歲嘗  
與蔡襄嘗以親老願除家便一官庶就侍奉聖慈寬  
衽悉蒙厚息蔡襄給假還鄉臣某特賜縑帛仍令差  
人迎侍歸京奉養仰荷非常之恩足為私門之幸事  
出望外捐驅不忘今春得臣父書候秋與孫男迎娶  
乃能即路初領此訊誠亦有待其來今聞蔡襄父母  
不忍去鄉國惟襄獨行還朝伏緣蔡襄躬自奉迎尚



猶不至微臣差人般侍必更遷延在臣私心進退無措伏念臣備職諫諍言多過差老父衰年遠在南土上不能補國家之闕下不能展庭闈之私何顏自安久玷清望陛下憫此遠迹諒其素心俾臣先盡事親之誠徐圖報國之効在於出處不陷憲章伏乞特受臣公流家便一郡差遣以便侍養庶當孝理之朝未缺人臣之行若謂臣兼領史職不當差出則葉清臣楊察等差出已有成例但臣無任

再乞外任狀

右臣近有奏陳願授家便差遣雖堅誠請未蒙朝旨

允從伏以國家之意謂臣身忝諫官日言國事今一旦無故即除外任恐四方傳聞以為不容諫諍不忍遣去蓋惜朝廷之名伏念臣生長遠方不識忌諱頃年得罪但坐多言再表乞歸乃得近鄉小郡曾未逾嶺母氏已亡服終還墓即求外補願歸江國稍便家庭庶因斗筭之祿用勤晨夕之養而國家權俾掌禮凶得奉朝去春忽被命書猥參諫列言不經務盡忠無益於時才非出人論事不能無過尋瀝私懇仰干宸嚴但緣偏親向衰乞以寸祿歸養遽蒙天睠特賚帑縑俾為奉迎之資不許脫然而去實逾半載親輿



正德集卷五  
三  
未來尋已啓陳未奉俞允伏惟聖神在宥俊乂如林  
才過臣者比肩疊跡臣去此職必當得奇士開益聰  
明如或惜去朝之為重恐外遷之差屈則乞令臣帶  
少省之官為名城之守上以昭陛下從諫之盛德下  
以成微臣養親之私榮中外聞之自為至美之事固  
於朝廷無所虧損但臣無任

免知制誥狀

右臣准閣門告報已降勅告授臣守依前官知制誥  
知諫院者伏念臣遠官孤跡本乏才謀朝廷誤知擢  
在諫署闕失之政無所建明柔佞在庭不能指摘前

兼史職愧踰涯進典命書愈知非據况侍從之列  
當以才升諫諍之臣不宜速進臣積歲未久無善可  
稱全身免責固為優幸非次被寵豈免刺譏且累上  
表章乞便侍養即象遷授難以請行臣之私心不期  
肩進未能揣分何以宿官乞迺濫恩以抑奔競其所  
隆勅誥乞賜指揮回納中書謹具狀陳乞以聞伏候  
勅旨

免判銓狀

右臣奉勅差權同判吏部流內銓者竊以先朝初定  
課員不兼他職蓋使專於論議庶或補益聰明臣叨



軍書命已增憂愧若更兼領銓管則恐智慮不周力  
小事叢必致顛隕其上件差遣伏乞停罷謹具狀奏  
聞伏候勅旨

免知諫院狀

右臣昨蒙恩授臣依前官知制誥知諫院及准勅差  
兼權同判吏部流內銓臣再有狀乞回納勅誥停罷  
差遣各奉聖旨不得辭免今依准聖旨被受訖伏以  
朝廷建置諫官俾其論議得失乃是分判忠邪升擢  
賢俊之路臣在官歲餘讜言無取得免黜罷已是優  
恩今權居侍從而復兼此職乏自知之分塞後來之

途於臣之身則讒邪有窺伺之端於國之體則俊良  
有滯留之歎伏乞罷臣諫職以避賢路

免史館脩撰狀

右臣准閣門關報蒙恩授臣史館修撰者伏緣修史  
之任須得良直之才如臣空疎豈堪選擇兼臣去年  
以來為父年老在遠累狀陳乞外官以便侍養伏蒙  
聖慈賜臣縑帛許令差人般迎歸京侍奉後來得書  
雖已在路切恐衰老之年不能久居京國將來却乞外  
任是臣虛受國恩所有修撰之職不敢當克伏乞特  
賜指揮閣門回納勅誥但臣無任



第二狀

右臣昨蒙恩授臣史館修撰尋以前後累狀陳乞外任以便侍養不敢虛受國恩乞賜罷免准今月十九日中書劄子奉聖旨不得辭讓伏緣君命再三不敢煩瀆已稟朝旨祇授勅誥訖切以為臣之節惟君所任不避煩難固其常理然而材器有限又須量力若貪榮慕進不知其分一職有曠不稱所委豈獨身災兼傷國體臣今兼職數處於臣之身實為榮幸量臣之力必不能堪除諫官已有定員候正官到闕自當省罷外伏况吏部甄別流品不可因循史官考尋事

迹又且用備獨當一局猶恐不精兼領二司必致踈畧臣伏見田况歐陽修皆筆力傑出才過臣者各釐外務不用所長伏乞指揮推擇其一代臣此職臣不以外外其就煩使其史館修撰勅誥臣欲親自齎赴中書呈納謹具狀陳乞以聞伏候勅旨

吉州謝上表

臣某伏奉五月十五日勅命差知吉州軍州事放朝辭取便路疾速發赴本任者天鑒素誠特從輕典星馳即道已屆所臨尋於某日到州赴上訖中謝伏念臣生自邊州闇於時務謬從科試早玷書林陛



下擢臣於遷謫之餘實臣於諫諍之列匪由言薦特  
出宸衷而又掌西掖之訓詞執史官之汗簡推寵過  
分非臣所堪自惟陳賤之中孤直見進思所以報知  
無不言補朝政而未工為身謀而已拙諛謗不恤用  
酬主知論議所伸寡與勢合常欲引去以免衆猜豈  
意發於樞機自起瑕譎然念間者夏臺效順再稟正  
朔虜帳怙強沮我封拜徇虜約則西戎怨納夏款則  
北秋怒重師宿境須我報音人人異論必有兵禍聖  
慮獨斷柄臣僉謀授以聘詞擇於朝列有死不避見  
選於山單車即途送者失色握節以往敢望生還歷

階而後所期理奪主命既達而國體獲伸胡兵自交  
而我盟兩就此乃廟堂成筭非臣之功及乎單于罷兵  
穹廬報聘謂知前議再伸理裝臣亦讓以非才辭不獲  
命漢使荐至虜中甚歡迎勞充勤宴犒加等蓋重隣  
好非私臣身臣既頻到虜庭欲練胡事上則接談於  
賓主下則訪事於輿隸示相親狎則務通其情所臨  
機會則未嘗屈禮本謂六蕃之語可以博之豈料一  
言之失不能免罪仰冀宸造鑒無他腸竊以臣素素之  
時名猥遭天卷出於孤官而延登近班豈無羣材而  
專聘絕域象此寵任人所忌嫉而不慎言語自罹憲



章計其所犯死有餘責此蓋伏遇皇帝陛下至明御  
宇廣覆如天凡曰近臣非有大故不忍遐棄止除外  
官含容之德過於堯禹况夫廬陵古郡南近家庭臨  
氏侍親不為失所戴荷恩育寧可貴度方今邊警雖  
息民力猶困賦歛加疾而吏以為健刻削已甚而上  
不能知若得詢其疾苦思所施設蠲去橫取率循舊  
規朝廷聽而從之豈以地狹為恨體國安民圖所報  
效臣之願也無任

乞分司狀

臣再瀝血誠上干天聽退量煩瀆其俟誅夷伏念臣

生於南遠素無才識束髮從宦二紀于茲遭時見用  
遂忝清近然念臣頃蒙擢在諫垣累上七章乞免諫  
職出就外任以便侍養皆蒙朝廷不賜允許及至去  
年得罪不敢迂路歸鄉又緣臣父年漸衰老不樂遠  
出尋曾乞移便郡願解近職私誠錯切未聞報可臣揆  
才至薄負罪則深上無補於國家下闕奉於溫清一  
身之責萬死何逃臣今欲乞落職分司歸鄉侍養伏  
望天慈特賜矜允

謝分司表

臣某言與奪者朝廷之大柄出處者人臣之大務成



命自天退身得地中謝伏念臣鄉邦遐遠世系孤平  
偶自童觀即親儒術尋師千里備歷險艱志學十年  
迺得科第國家頒制目以求士開文館以待賢臣之  
亦才咸預茲選每守孤直不事貴權蓋嘗忤旨而謫  
官尋亦知名而見用降發中之詔擢居諫諍之職以  
出疆之勤延登侍從之列願宣忠力以酌萬乘之知  
屢被國恩自忘五穀之賤多所論列罔畏仇嫌臣既  
拙於周身毀者得以銷骨惟期退避屢抗表章帝座  
雖處九重之深皇明遠照萬里之外預頒明命克遂  
初心此蓋伏遇皇帝陛下天覆無私乾剛獨斷念臣  
退入之道立山荷賜冰炭在懷

謝轉光祿少卿表

臣某言今月八日進奏院通到勅誥蒙恩授臣光祿  
少卿依舊分司南京韶州居住者居深坎窞恩出天  
慈俯念戴盆之困莫遂循牆之讓中謝伏念臣稟受  
愚暗生長遐荒爰自弱齡幸親儒術未脫飯牛之賤  
敢思糜爵之榮蓋遇國家海宇澄清仕途寬裕高則  
賢科射策採卿相之材次則卿品薦能分甲乙之選



小吏計年而進考商人校粟以論資戎旃奮起於卒  
徒勲門澤及於僮隸廣為甄錄庸替治平所謂得人  
而昌何云數路而已由是例趨貢籍偶中文程逮于  
壯年再膺詔目遂陪邦彥又服朝紳亦嘗預刊前史  
之闕文參修當世之大典載筆而書言動抱蘊而正  
禮儀補衮職蹈無諱之譏冒兵鋒而使不測之虜叙  
其微效擢在近班言思報國之忠身罹負倍之謗簣  
中之辱昔賢亦有非華日邊之遙丹誠無以上訴退  
分冗秩還侍親庭鴈鴛又費於稻梁禽魚幸返於林  
藪不潔聊同孺子之歡種樹灌園誠為拙者之

效示不潔毀廢當絕照臨豈意恩波下霑窮轍此蓋伏  
遇皇帝陛下純仁廣覆至治旁羅一物未忝而比之  
納隍羣賢雖積而勤於頓網順民心而敷治因天瑞  
以建元溥念臣工衆罹罪罟重為緣坐輕或詆誣凡  
曰瑕疵率加滌洗樂羊居外靡開盈篋之書陳平有  
謀不問受金之過如臣迹素之異才進本孤根退  
因積毀所嗟聖世遂作錮人徒成畫餅之名莫展鉉  
刀之用忽蒙零露之均澤忍使當春而獨枯苟非造  
化之恩寧及沉寘之地唯知死報無路捐驅但臣無

讓南班第一狀



臣今月二十二日准韶州送到勅誥蒙恩授臣左神  
武大將軍雅州刺史者竊以國家棄瑕用人含垢御  
物毀廢之迹再賜甄叙仰荷天恩罔知紀極伏念臣  
往年知吉州日以父年老樂在鄉土曾乞解官侍養  
適會朝廷恩命授臣分司外議雖若棄捐於臣實為  
私便官無曹事月有俸錢內奉旨并聊亦溫足近者  
就家增秩已出非望今茲再宣成命復綴通班待遇  
至優豈宜辭讓臣又聞之前典事親之禮八十者一  
子不從政九十者其家不從政蓋謂高年之家親屬  
雖眾當留子男常在左右也切緣臣父年近八十臣

獨一子胡已授惠州歸善縣主簿遠去膝下惟臣且  
暮親侍膳羞今來既授右職便須遠赴邊任奉親而  
往則有道路之勞委親而行又闕晨昏之養况今方  
隅無警賢後至多不乏一臣以濟衆務伏望聖慈察  
臣誠請許臣且守舊官依前分司韶州居住所圖就  
養少禪孝治之風干瀆冕旒無任惶懼待罪之至所  
有通到勅誥已牒送韶州聽候朝廷回降指揮繳納

第二狀

臣昨蒙恩除授左神武軍大將軍雅州刺史充壽州兵  
馬鈐轄尋以父年老具狀奏聞乞守舊官依前分司



侍養今月十一日准中書劄子奉聖旨不許辭讓者  
伏念臣昨以毀廢南歸因得侍親之便終身農畝實  
所甘心忽蒙異恩再加錄用荷國家含養之德同天  
地更生之仁仍蒙聖慈不許辭讓豈不知出身事主  
之節受命忘家之忠圖後效可以滌前非履榮途勝  
於處窮巷况君親之恩至厚而忠義之心弗忘但緣  
父年衰老先患上氣每風露所觸則喘嗽尤甚迎待  
艱難有此不便須至再披肝膽干冒朝廷乞依前來  
所奏只守舊官依前分司侍養伏望聖恩特賜俞允  
違詔命其俟除削

謝轉衛尉卿表

臣某言十一月二十八日准進奏院遞到敕誥各一  
道蒙恩授臣衛尉卿依前分司南京韶州居住散官  
勳封賜如故者舉稀闕之典方治於隆平廣參漉之  
仁遽霑於枯瘁中謝竊以古之哲后皆建合宮體房  
心布政之名行祖宗侑食之禮周同廟制蓋嚴配之  
所先漢比郊儀故精禋之為重汶上之圖太簡國南  
之議未工允俟聖朝裁定彝矩伏惟皇帝陛下順稽  
古訓祗答靈心即路寢之正居講總章之大摯百神  
胥悅歌至治之聲香萬國權呼荷湛恩之汪濊如臣



者孤危得罪擯廢累年豈期蓬華之選均蒙雷雨之  
施睚眦之辭未塞何意叨榮支離之粟愈多敢忘圖  
報惟懷淵谷之懼更增斗極之瞻但臣無任

虔州謝上表

臣某言九月六日進奏院通到勅牒壹道蒙恩落分  
司南京守本官就差知虔州軍州事已於今月十日  
到任上訖仰望雲天起於久廢重露雨露息比再生  
中謝伏念臣出目寒微素無才識幸逢明主擢在近  
班本期名教之敦崇真正朝廷之黜陟不悟怨仇交  
構此言百端尚蒙洪覆之仁移隸別都之籍退居田

里坐變炎涼前歲被以言綸授之勇爵宣君命而見  
召在臣義之必行蓋以第任遠官父方卧病委之遐  
適心所難安尋瀝血誠再干天聽果回睿旨許遂家  
居免朝雖遠於宸廷奪祿不從於吏議享無名之厚  
奉久愧冗閑乘一障以先登亦惟驅策豈謂不離卿  
寺就委郡章既同死灰之復然俾展鉞刀之一割親  
有旨甘之便民當穰劫之餘得奉寬條庶成後效此  
蓋伏遇皇帝陛下堯天廣覆湯網宏開遺棄咸收幽  
隱必察皇明下燭同日月之無私惠澤所霑匪乾坤  
而共泰永言朽瘁育以陽春特推眷履之舊恩無使



田園之唐老敢不佩服光寵罄竭疲駑詢疾苦之所  
先遵簡易之成理不忘官守上報主知但臣無任

桂州謝上表

臣某言昨於六月二十日准樞密院遞到勅誥蒙恩  
免持服特授守秘書監就差知潭州兼本路安撫使  
并准中書劄子奉旨令臣次日起離乘遞馬赴發本  
任仍令韶州催促進發不得收接辭免文狀及在路  
再奉勅該差知桂州充廣南西路都鈐轄兼經略安撫  
使准中書劄子三道催促赴任臣尋於今日十六日  
到任上訖事起金革辭避無從君父之恩感深以泣中

誠伏念臣生在遐徼才識無取自遭荼毒未幾  
近者儂蠻作梗嶺外騷然憫彼遠方如在重病思與  
診療無有方術忽奉恩旨令守長沙非喜名爵之所  
加自謂救兵之可出且古之列國尚發恤隣之師况  
今為王臣豈有坐觀之理由是徧檄境內分起卒徒  
本約一月之中回至番禺城下朝命既改人心不同  
論議紛紜師已減半既違本志進退不遑職多任重  
而可憂就近辭遠而非使勉趨新任自顧茫然官兵  
盡集於東南狂寇豈忘於巢穴當資銳旅遏彼歸途  
而封疆闊遠守禦虛寡未知何計可以逃責內惟愚



暗何堪差委此蓋伏遇皇帝陛下敷二儀之仁回萬里之照特憐孤露誤託寸長擢自空塊之中參於方面之寄敢不捐軀竭慮酬報皇恩伏乞赫震天威剪滅醜類所以快四方之望攝百蠻之心臣之願也候臣與楊旼處置廣西邊務了日却乞練蘇私室以終喪制乞解職行服狀

右臣去年六月二十日樞密院遞勅誥至韶州蒙恩免持服特授秘書監就差知潭州兼本路安撫使仍許中書劄子奉聖旨限次日起發不許辭免未到任再奉勅改差知桂州充廣南西路都鈐轄兼經略

撫使於七月十六日到任又准中書劄子奉聖旨同楊旼等經制廣南東西路盜賊事自授命已來將備等諸將敗衄臣亦累狀乞從追削歸守喪至今年正月十八日宣徽使狄青部領三將兵甲殺敗蠻寇收復邕州賊首智高奔回巢穴狄某孫某石某等各已發還京臣今分屯兵馬即回本任伏念臣去歲授官不敢辭免者賊在方面逼近鄉里欲因驅策前除兇醜而絕無勞效幸免追逐况今盜賊出境賢俊滿朝何假墨縑以臨民政再念臣父存之日尚容歸侍父沒之後不能終喪乃是微臣事親之不誠朝廷置臣



於有過臣若拂衣而先去則似要君抗章自陳蓋非  
虛飾伏乞朝廷憫臣持父之服有限報國之日尚長  
許臣解官歸鄉終滿喪制則臣感天荷聖之誠無有  
紕極

第二狀

右臣輒傾血誠頓瀆天聽退量輕易甘俟誅夷臣聞  
三年之喪雖貴遂服國朝敦尚孝理為萬世法大臣  
遭父母喪者竝許解官終制去歲以蠻賊乘虛攻圍  
廣城於臣廬居最為密邇朝廷令臣墨練起臨戎事  
臣亦以為朋友之急尚或赴之而况方面艱難豈當

辭免由是自潭之桂東還于廣又西至于邕賓之郊  
驅馳忘倦雖以恩臨諸洞信結交趾旁絕賊援而專  
輒之過已多其如將怯兵惰挫辱之罪相繼今茲宣  
撫使狄青領兵殺獲寇黨收復邊城賊之殘徒遠遁  
外界兼安化蠻人已就招安邊境寧息臣已回歸本  
任伏念臣所天隕逝方過朞祥終身之戚冒哀為愧  
昨在邕州已曾陳乞歸鄉持服終制今來除溪洞等  
處叙述勞效但于兵甲公事不敢滯依舊行遣外所  
有貴州文字臣更不簽書欲乞候錄叙效了當日不  
候替人將經略安撫司公事交與轉運使一面管勾



臣却回鄉里持服終滿喪制如此則朝廷任用臣下  
存乎大體臣之進退亦得其分伏乞聖慈特賜俞允  
況今熙隆之運英賢滿朝未至無人堪付一郡不可  
使傷禮敗俗由臣而始臣無任

武溪集卷第十四

武溪集卷第十五

工部尚書充集賢院學士贈尚書左僕射累贈  
少師謚襄公余靖

表中

免轉給事中狀

免轉工部侍郎狀

謝轉給事中狀

謝轉工部侍郎狀

謝加勳封表

免充集賢學士表



謝充集賢學士表

免轉戶部侍郎狀

謝轉戶部侍郎狀

潭州謝上表

青州謝上表

謝加護軍食邑表

免轉吏部侍郎狀

免轉尚書左丞知廣州狀并答詔

再免知廣州表

廣州謝上表

謝加勳邑表

謝轉工部尚書表

免轉給事中狀

右臣今月二十日進奏院造到勅誥各一道授臣給事中者竊以賞為國典必中事功寵溢情涯敢忘辭避伏念臣換材至薄賦命多奇幸偶休明免居羈賤向以邊臣失備蠻寇內侵越從縲絏之中起親金革之事漫懷嫉惡素匪知兵所至面牆幾同學製賊鋒尚就騰筭無施身負重而日增民在溺而同窘果煩睿眷特轍樞臣狄青以人傑之雄摠其師律孫沔以國



器之重濟以事機號令脩明士馬奮勵故得克醜敗  
亡而絕迹蒸黔蘇復以息膏青所以定二廣之阨危  
沔所以正一方之經制臣則幸於免戾何止備員今  
乃例被綸言同增官秩雖念勞勸善國家寧厚於恩  
章而揣分量能私計實非於已力伏乞察臣誠請追  
改命書則朝廷無濫賞之譏微臣免貪功之過干冒  
冕旒臣無任待罪激切之至所有降到勅誥已送桂  
州軍資庫收管聽候朝廷指揮繳納

免轉工部侍郎狀

右臣今月十三日三班差使殿侍韓某乘遞馬賚送

到中書劄子并勅誥各一道蒙恩授臣尚書工部侍  
郎仍就賜銀二百兩者前息未謝後寵復加內揆空踈  
第深醜愧伏念臣出於寒族起自諸生素乏軼羣之  
材久罹負俗之謗昨以蠻酋叛渙嶺服震驚雖分守  
土之權莫展擒克之策屬元戎之善勝加邇正之協  
謨因此安邊幸於免戾豈謂皇明遠照寵數存臨且  
方上讓章蓋慙非據而未承報旨更冒今榮揣已力  
而實微干物議而爲甚用傾愚懇上瀆天聰願回過  
恩庶全薄祐俾雷雨之澤無至妄施則草茅之姿免  
於深譴除就賜銀已受領外所有齎送到勅誥不敢



祇受乞行回納已牒桂州軍資庫收管聽候朝廷指揮  
伏望聖慈特賜俞允但臣無任

謝轉給事中表

臣某言昨於五月內進奏院遞到勅誥蒙恩授臣給  
事中依前知桂州充廣南西路都鈐轄經略安撫使  
尋具狀辭讓准六月四日中書劄子勘會余某已降  
勅命除授工部侍郎奉聖旨余某所除恩命即令祇  
受更不得領受者中謝伏念臣才非應務識不逮人  
徒違光華得請祿仕向以邊臣失備蠻孽侵疆眷言  
苦塊之居適在干戈之地遽蒙朝命俾預兵謀道

之勤敢忘夙夜軍旅之任素昧諂鈐雖居戎馬之  
茂著消塵之效幸賴聖宸成筭樞輔專征因節制之  
有歸勵偏裨而同力兵鋒一集謀主先擒羣寇散亡  
庶民休息攻之必取蓋有元勲職在具僚過蒙厚賞  
內懷非據嘗叙至誠乞回濫恩庶全素志豈謂皇明下  
照寵渥荐加委之輯年靡容辭避此蓋皇帝陛下如  
天廣覆與物無私譬春夏之和邇遐咸被比雷雨之  
施甘苦皆霑念孤臣之無庸與元戎而並命仍加敦  
諭彌用憂兢敢不祇率政條舉寬民瘼庶於境域同此  
樂康所有除工部侍郎勅誥已別狀聞奏伏望聖慈



許令辭讓但臣無任

謝轉工部侍郎表

臣某言昨蒙恩旨差三班差使殿侍韓某賫送到勅  
誥一道授臣工部侍郎尋具狀聞奏乞行回納准七  
月五日中書省劄子奉聖旨所降恩命即令祇受更  
不許辭讓者中謝伏念臣生自寒鄉早逢明主知名  
驟進嘗叨四戶之官負謗閑居猶紆三品之綬嚮還  
喪次甫畢喪期屬嶺表之驚騷預軍興之驅策徒竭奇  
茅之慮茂聞橫章之功所賴者廟堂講受於聖  
鉞肅將於王怒獻戎之捷蓋主將之勲有成從

候於國家之恩大厚內愧冒塵於職任再乞追還於  
詔書誠出誤知不容退讓此蓋皇帝陛下恢乾坤之  
廣度垂日月之至明賞善勸能義存寧僭記功忘過意  
切兼容致此非材夔增顯秩敢不恪遵寬詔欽率彝  
章卧鼓滅烽上繫於聖化思艱圖易庶保於民和臣  
無任

謝加勲封表

臣某言十二月二十六日進奏院遞到勅誥各一道  
蒙恩授臣依前守尚書工部侍郎加輕車都尉進封  
始興郡開國侯食邑五百戶仍放朝謝者祀典之修



允合丕貺恩章之廣覃及其臣中謝恭以國家祚纂堯基化恢禹服配天昭孝侑三聖以成儀麗澤均禧浹四方而渙號伏念臣素微材術叨預藩宣方趨乘障之動莫厠侍祠之列豈期雷雨之施不遺管前之微盟府何功遽勲官之見錫爵名加等仍鄉郡以無榮揣分逾涯省躬增惕敢不外寧邊隙內撫民封惟堅犬馬之誠上答乾坤之造臣無任

免充集賢學士表

臣某言今月二十一日進奏院遞到勅誥各一道蒙恩授臣依前守尚書工部侍郎充集賢院學士依舊

知桂州并准樞密劄子中書樞密院同奉聖旨令臣分折兒孫或近親骨肉一名聞奏者松楸之戀誠本告歸雨露之恩事出非望撫躬懷惕聞命若驚中謝伏念臣素乏藝文固無材武幸逢聖旦早列仕途間者起自廢居奄遭荼苦喪期未艾蠻事遽興首預詔除敢忘宣力賴元戎之制勝致闔境以再安臣以非材例增優秩亦嘗乞收印綬還龍襲縑麻狡寇尚存私誠莫遂近以遠擒賊媪稍息邊虞願返鄉閭修營壘墓而遽蒙恩旨加賜職名未伸上之誠已掇要君之過再念臣前歲與起居舍人楊畋閣門副使曹修



同時受命經制賊盜敗等各懷忠蓋並練權謀當單  
車制禦之初值劇賊猖狂之際雖英詔處置偶失事  
機而連賀保全皆由指授今敗等舊官未復而臣屢  
承寵命揆茲進退之理彌深兢愧之懷乞回過恩庶  
伸微志臣今乞將所授集賢院學士及兒孫恩澤並  
各回納只乞特與楊政曹修牽復舊官所貴上有念  
勞之恩臣無過分之責其有遮到勅誥已牒送桂州  
軍資庫收管聽候朝旨繳納伏乞聖慈特賜俞允

謝充集賢學士表

臣某言二月二十一日准進奏院遮到勅牒官誥各

一道蒙恩授臣依前守尚書工部侍郎充集賢院學  
士依舊知桂州并准八月十一日中書劄子奉聖旨  
不許辭讓者封章上扣期遂於私誠宸旨下臨靡容於  
遜避中謝伏念臣命多奇隻器本疎頑起草掖垣嘗  
因毀去懷章郡即遽以喪歸向緣瘴落之內侵遂假  
獸符而外禦昔賢之赴公難有警則腰經以從摧人  
子之報私恩已事則衣縗而返次敢再援於古義願  
追服於素冠遽沐天慈過矜擣散仍即藩垣之寄俾  
叅英俊之遊重念元帥成功附驥已叨於職仕常僚  
失職拔茅未復於舊聯乞還過量之恩少遂推賢之



志豈悟聖謨廣大國典寬明俯鑒無他之賜不加非  
言之罪特申前命俾踐華途此蓋伏遇皇帝陛下堯  
舜聰明乾坤覆燾春生秋殺不私雨露之濡尺短寸  
長必盡輸轅之用致茲蒙鄙屢玷寵光敢不祇率郡  
條樂宣吏職農桑舊俗咸俾於懷三荒曠外區悉期於  
稟朔冀稍裨於化體庶上荅於皇慈臣無任

免戶部侍郎狀

臣今月十四日進奏院通到勅誥各一道蒙恩特授臣  
戶部侍郎依前充集賢院學士候今任成資日仍令  
再任者聞命驚惶伏增墮越伏念臣才非應務智一

逮人徒以虛名嘗叨近著頃遭讒構其在棄捐屬  
事粹興起臣於喪次而兵勢未集謀慮弗周力小任  
重日增憂惕及至歸仁之勝三軍凱旋破賊者乃臣  
青之勲勞撫民者皆臣沔之經制臣稟受節度謀無  
已出逮乎遠縛賊毋擒誅寇黨內則朝廷威令外則  
夷獠協同於臣愚拙何功之有昨聞轉運提刑司舉  
再任臣尋以心力衰耗不堪再任已具狀乞依舊分  
司於韶州居住庶得修營墳墓今來忽頒成命就陟  
左曹恩渥至優實為過分清秩厚俸誰不欲之事既  
逾涯豈宜安處伏緣本路外接西廣六蕃南連交趾



九道沿邊溪峒一百餘州苟失撫綏立生患難非臣  
衰朽負謗之人能堪久任所有降到勅誥不敢祇受  
已牒送桂州軍資庫收管聽候朝廷指揮伏乞檢臣  
前奏許令換一散秩依舊分司於韶州居住所有邊  
任伏望別擇材賢干濟冕旒臣無任

謝轉戶部侍郎表

臣某言准都進奏院遞到勅誥各一道蒙恩授臣尚  
書戶部侍郎依前充集賢院學士知桂州候今任成  
資日仍令再任并准樞密院劄子奉聖旨依前降指  
揮不許辭讓者邊亭擇才願避於才能天綽宣息靡

容於遜讓中謝伏念臣素亡學術濫竊時名屬蠻酋  
之擾邊即喪廬而受命雖懷急病之意而無弭難之  
才名分一面之權實稟元戎之筭歸仁之捷臣力何  
施特磨之擒衆謀允濟以至羣兇遠遁九譯難通天  
假手於外夷鬼得誅於大對皆皇威之震轟戮醜類  
以殲夷幸免瘝官已慙尸祿豈謂曲成天獎就錫詔  
函增秩而留用漢朝之故事撫封以舊仍越嶺之攸  
居無易教條俾安氓俗重念臣早緣積毀嘗隸別都  
久遺鵷鷺之行頗樂田園之趣因茲過寵當思避賢  
惟冀罷歸庶全冲退而乃再頒綸旨俾踐恩章願反



汗以尤難但撫躬而增惕此蓋伏遇皇帝陛下天慈  
廣覆乾體旁羅士濟濟而必臻術九九而無棄致是  
草茅之質荐承雨露之恩謹當祇率政經增修戎畧  
荒忽之外俾銷旅拒之謀瘡痍之餘期識中和之治  
臣無任

潭州謝上表

臣某言伏奉勅命就差知潭州軍州事充荆湖南路  
安撫使已於今月二十三日到任上訖久居炎徼忽  
荷天恩雖尚遠於闕庭幸無虞於瘴癘中謝伏念臣  
素無學術徒偶休明宦路風波艱危備歷君恩雨露

涓滴未酬頃罹欒棘之哀尚淺菴祥之制屬溪蠻之  
叛渙軼邊戍以跳梁攻圍越臺侵逼庾嶠雖微臣脩  
完堡嶂本期自固於家林而朝廷奪去縑麻遽俾分  
持於戎律懼薄材而敗事會元帥之成功假號渠魁  
既遠逃於夷域王謀克媼俄就戮於天街蓋震疊於  
皇威致救寧於蠻落臣無繼芥之力徒居戎旅之間  
職是累年空尸厚祿豈謂忽承丹詔還撫舊封再見  
昔時之山川如全此生之首領此蓋伏遇皇帝陛下  
天慈廣覆日照無私公聽並觀用臣於衆毀必察之  
際記功忘過知臣有臨危不避之誠每遇急難必蒙



驅策既臻平定未忍棄捐重施造化之恩復委藩防  
之寄謹當率循政體講守邦經封內之民或未康必  
詢其庶隱境上之兵猶未戢函議於綏懷圖報國恩  
庶道官責臣無任

青州謝上表

臣某言蒙恩就差知青州充京東東路安撫使放朝  
辭疾速發赴本任已於今日二十五日到任上訖荆  
湘南鄙未著善聲海岱名區再叨方任揆能至薄拜  
命若驚中則伏念臣出於寒微素無才業因緣盛旦  
忝竊通班向自喪廬起從邊寄名叨未將慙應變以

非長筭稟元戎幸因人而成事留撫涇涇頗縣歲時  
無復望於寵榮止願畢於婚嫁吳芮書忠之地尋獲  
便安營丘賜履之封驟更委寄冒進誠知於尸祿懇  
辭恐涉於要君洛奉宸恩聿臨所部况乎禹平九土  
青有古名周建諸侯齊為大國俗幾一變之道士有  
四象之風誠儒學之興居亦寇盜之時起宜求當世  
之碩彥以舉列城之政綱豈意樗櫟之散材亦叨兵  
馬之大郡此蓋伏遇皇帝陛下廣乾坤之覆載恢堯  
舜之聰明不責纖芥之勞徒軫遺簪之舊矜其晚節  
屢徙要藩謹當祇率國章詳求民瘼不矯激以沽譽



無際刻以矢中慕君子樂易之宜官朝廷寬大之意  
勉圖所被庶或有成臣無任

謝加護軍食邑表

臣某言今月九日准都進奏院遞到勅牒官誥一道  
授臣依前守尚書戶部侍郎充集賢院學士加護軍  
食邑五百戶散官封食實封賜如故仍放朝謝者截  
事闕官講行開典均禧函夏敷及具僚中謝恭惟皇  
帝陛下揔攝羅圖統承庶運謹蹈蒸蒸之孝寅守丕  
丕之基豐潔深米盛內盡孝親之志序陳昭穆躬修合  
祭之儀既成瑾鬯之盛宏廣布蓼蕭之渥澤下周朝

駁晉錫言綸臣素乏時材以濫叨藩寄駭奔述職阻捧  
於籩豆渙汗推恩並陞於勳爵居慙德詔行畏食浮  
自天之命難違踏地之直矣愈積誓堅死節上答鴻慈  
但臣無任

免轉吏部侍郎狀

今月十七日准進奏院遞到勅誥二道授臣吏部侍郎  
即依前充集賢院學士散官差遣勳封食實封賜如  
故者竊以國家列布衆職用待羣材至如文昌之居  
應三垣之上象天宮之重貳六府之首卿當於國器  
以揀求豈宜年勞而叙進伏况臣智謀甚短名德素輕







羅城若從羣議必須大興力役以民力凋弊之後加  
臣才術短淺當此重寄必致曠敗臣今欲乞只守舊  
官差知荆南潭州一次庶免愆謗干冒冕旒無任待  
罪惶恐之至伏望聖慈特賜俞允

荅詔

勅余靖省所奏准閣門告報蒙恩授臣尚書左丞依  
前集賢院學士知廣州充廣南東路都鈐轄經略安  
撫使臣才術短淺當此重寄必致曠敗欲乞只守舊  
官差知荆南潭州一次事具悉聞者邊吏無狀視盜  
不謹致茲蠻寇擾我嶺嶠者禹之地嘗懼寇患用

迄今傷夷未復牧守之任推擇惟難以卿策慮無遺  
忠義有素文理足以綏衆武備足以折衝進居丞轄  
之重付畀方面之寄必能宣明威信朕庶幾無南顧之  
憂矣而卿何嫌何疑復多讓焉是彰朕之不明而無  
以知賢也當體至意往服厥官所乞宜不允故茲詔  
示想宜知悉

再免知廣州表

臣某言准今日十七日詔書以臣蒙恩授尚書左丞依  
前集賢院學士知廣州臣才術短淺當此重寄必致  
曠敗欲乞只守舊官差知荆南潭州一次所乞宜不



允者外朝踈遠固有於官儀中詔丁寧遽頒於天語  
推聖恩之過厚在臣分以何安內愧空踈理當辭避  
中謝伏念臣才非應務智乏周身謗缺易成風波可  
畏頃者荐修鄰好三使虜庭始由歡聘以通情終於  
習熟而爲罪一時儂蠻干紀幕府專征蕩寇黨則元  
帥之謀擒魁媪則羣夷之力曾無涓効屢玷勲書去  
歲峒蠻憑陵官軍沮折詔臣喻指事止緩邊况是單  
車之飛行已蒙叙進豈可彤墀之復命再添陞資切  
緣嶺海之遙藩垣之重若方隅之有警則退讓以無  
名當今時在弭兵理非避事就近而不就遠雖曰便

辭易而不辭難敢期煩瀆且又越臺之境胡賈雜居  
古者城無外孺當由土之踈惡謀於脩築迨及旬年  
計其徒庸難乎速就惜民力則謂之地備徇衆議則  
困於勞人玩寇之謗若興覆族之誅可懼矧以地聯  
鄉曲勢有嫌疑儻回渙汗之恩實荷保全之賜臣情  
願不就轉官恩澤乞只守舊官差知荆潭一郡謹奉  
表陳乞以聞伏望聖慈特賜俞允干冒旒袞但臣無  
任

廣州謝上表

臣某言奉勅差知廣州軍州事兼管內勸農市舶使



提點銀銅場公事充廣南東路都鈐轄兼本路經略  
安撫使已於今月十八日到任上訖斗筲詭小方面  
任隆海國雖遐聖恩尤厚中謝伏念臣稟生卑薄賦  
性顛愚設象當宁之知殊乏防閑之慮三聘未羈之  
虜終以左遷一彈不孝之人遭其返噬既不虞而致  
毀固無望於復燃就喪次以家居厲懷蠻之寇境愚  
謂古之卿士退處鄉閭或遇凶荒之期賊盜爲梗則  
必同堅壁壘用庇族姪謀與守臣共伸此議朝廷因  
其急病誤謂知兵起於縲絰之中委其金革之事以  
至絕交夷唇齒之接擒寇魁子母之親正軍刑於蓋

街愴國威於銅柱在見聞之或異亦諛謗之互興上  
賴天慈屢更藩寄去歲邕邊失策納彼逋逃峒獠恃  
強遂成侵擾邏司喪元而潰敗列郡聞風而震驚因  
驛騎以召臣俾單車而諭指雖島夷聽命願誅首惡  
之人而塞將貪功未絕交爭之患亦既與之約束各  
守封疆苟邦令之必行諒吾圉之能固猶以嶺服遠  
外越徼相通俾臨此州以辦邊事竊惟兵火之後瘡  
痍未平力役尚繁生業猶困將祈存恤當擇循良再  
具表陳莫回恩旨此蓋伏遇皇帝陛下乾剛下濟離  
照旁羅儻寸有所長則使之必報輪駟無遺於木爾



潢汙或薦於王公致此非才亦叨重任敢不率勵愚慮勉守孤忠察蕃漢險易之情宣陛下憂勤之意庶乎萌隸同被休明臣無任

謝加勲邑表

臣某言今月二十七日進奏院通到勅牒官誥各道伏蒙聖恩授臣依前守尚書左丞充集賢院學士加上護軍進封開國公食邑五百戶散官實封賜如故者合宮禮成縣區澤普不遺遐遠咸被冲融中謝恭惟皇帝陛下昭事上帝不承洪緒徧舉累朝之闕典再修宗祀之盛儀即露寢以達誠御端闈而渙號

周履載罔不懽呼下逮搢紳咸加命數臣雖能無取禮秩兼優護諸將以書勲冠五等而疏爵仍增稍食倍極寵靈敢不荷生育之恩勤簡惠之政誓全苦節上答宸慈但臣阻守外藩不獲奔詣闕庭臣無任

謝轉工部尚書表

臣某言今月十九日進奏院通到勅誥各一道伏蒙聖恩授臣工部尚書依前充集賢院學士加柱國食邑五百戶散官實封賜如故者龍德飛天羅圖興運曠蕩之澤遐遠不遺中謝伏念臣學謝兼明雖暫遠到賓緣孤進遭遇先朝亟登詞翰之科頻居文中之



任遷繇諫路擢掌王言常欲北屈匈奴南羈勁越未能  
勝任每預遣行曾無橫草之功連被拔茅之寵屢委臨於  
戎律又陪貳於文昌此蓋伏遇皇帝陛下嗣守丕基渙  
發大號乾坤之造海嶽至大而以包雷雨之恩動植無微  
而不及致茲散拙亦預甄陞素乏之羽儀之才遽當喉舌  
之任將何以根本萬事出納五言謹當祇畏簡書恪  
脩條教更勵委珠之節不忘曳履之忠庶答天慈以  
逃官謗但臣守遠藩鎮不獲奔詣闕庭臣無任

武溪集卷第十五

武溪集卷第十六

工部尚書充集賢館學士贈尚書左僕射累贈  
少師謚襄公余靖

表下

謝續支請受表

乞不請支賜添支狀

乞不請中冬翠錦衣襖狀

回納詔賜冬服狀

謝賜絹狀

謝賜銀狀



代富樞密辭職表

代狄宣撫賀捷表

進平蠻記表

賀生擒儂智高母表

賀誅儂智高母表

賀曲赦表

賀德音表

賀雨郊赦表

賀給享赦表

謝恤刑表

謝賜麻日表

謝傳宣撫問表 廣西

謝傳宣撫問表

慰溫成皇后張氏薨表

謝續支請受表

臣某言今月十六日准中書劄子奉聖旨依前守先  
祿少卿分司南京許於韶州居住令三司接續支與  
請受者有命自天丹墀於幽隱無功受祿但益於戰  
兢中謝伏念臣素乏龜能生在遐邇幸逢聖代登歷  
仕階夫何簡淺之材常居文雅之選屢蒙驅策周旋



險夷頃因專對之勤擢在邇臣之列深虞福過尋已  
謗生仇人之訴得行逐客之書難上退歸田里坐易  
歲時甘海嶠以陸沈沐天慈之再造起于謫籍付以  
伍符上荷君恩固無宜於堅讓適當父病難捨之而  
遠行重瀝血誠果從私便吏議俾停於月廩家居尤  
畏於簡書不冀承顏之歡幾成餬口之患遽蒙宸眷  
眷錫綸言雖容彭澤之歸仍續鄭均之祿此蓋伏遇  
皇帝陛下堯心廣慶乾體無私明比日升極大荒而  
普照息同春燠慮一物之偏枯雖居江海之遙時露  
雨露之澤當圖死報難以言宣臣無任

乞不請支賜添支狀

右臣昨奉勅免持服特授秘書監就差知潭州兼本  
路安撫使准中書劄子奉聖旨令韶州特支賜錢三  
百貫文尋赴任次在路奉勅改差知桂州廣南西路  
都鈐轄兼經略安撫使已於七月十六日到任上訖  
伏緣臣昨者起就潭州差遣所以不敢辭免者蓋欲  
因朝廷之命起湖南兵甲往廣州策應尋奉勅命改  
差其任益重非臣本志所貪權寵臣今只候楊叟到  
西路商量邊機了日却乞終喪持服兼臣居喪中已  
奉聖旨支給前官料錢所有特支賜錢見寄韶州軍



資庫并桂州合請添支錢物並乞不請領其原受中書劄子一道謹具封納

乞不請中冬翠錦衣襖狀

右臣准桂州牒差人送到勅書一道蒙恩賜臣翠毛細錦錦旋襪一領者伏念臣自遭荼蓼甫及暮祥屬蠻獠之猖狂廢几造之號慕未成軍伐屢照天慈且枕塊寢苫禮雖可奪而食稻衣錦心所難安况欒棘之在容顧曳裾而非稱願收渙汗以遂素心已牒桂州更不差人赴京請領所有賜到勅書一道謹具狀封納

回納詔賜冬服狀

臣今月十四日進奏院通到勅書一道蒙恩賜臣簇四雕兒細錦旋襪等冬服者祇荷寵光不任感懼伏念臣向遭荼毒歸守丘樊遽屬軍興遂離喪次光陰過隙祥禫未周墨縗經以臨戎蓋先國事聚衣裳而盡飾難處人情願回渥恩庶全素志所有前件細錦冬服乞不請領

謝賜綸狀

右臣今月六日伏蒙聖恩差御藥梁惟一賜臣綸二百世令臣迎親歸京者伏念臣本遠人素無通識誤



膺擢用莫補休明昨求外官蓋欲便於溫清過蒙聖  
造不令遠去闕庭未知所報之恩更承非望之賜上  
荷雲天之施下爲鄉里之光誓捐微軀以荅洪覆

謝賜銀狀

右臣今月十三日三班差使殿侍韓喜乘遞馬齎送  
到中書劄子并勅誥各一道蒙恩授臣尚書工部侍  
郎仍就賜銀二百兩者伏緣殺蕩蠻寇收復邕州並  
是宣撫使狄青專揔節制及孫沔石全彬等經畫臣  
雖同在陣中功非已出併蒙恩寵實不遑安除就賜  
銀二百兩已受領外有齎送到勅誥不敢祇受乞行

口納已牒送桂州軍資庫收管聽候朝廷指揮及具  
狀附遞聞奏去訖

代富樞密辭職表

臣聞君命如天不可違拒臣心所守亦當數陳臣稟  
性至愚立朝日淺素無材略上裨聖明去歲匈奴恃  
強侮慢中國故作瑕隙形於簡書臣蒙誤知專遣報  
聘奉陛下之成筭尋先朝之舊盟然而歲增貨財以  
噉豺虎國力益屈戎心益驕臣復何顏叙爲勞効此  
者陛下推不次之寵擢臣樞近臣不知佐時成務致  
君之遠圖逃賞避榮立身之小節其如臣之所守非



節而已蓋義有所處理自未安必若長轡遠馭招懷  
四夷致其酋長稽首北闕此而爲功可也今益以膏  
血肥其爪牙犬羊無厭出其本性一旦衝突何能保  
之恃此爲功臣所不敢伏願陛下精擢賢俊百度脩  
舉臣雖不賞固將安心若因暫安之勢便謂無窮之  
福賞雖可冒禍亦何逃臣之此誠不欺神理儻或歲  
月叙遷國朝舊制臣非木石豈能無心亦非苟徇虛  
名避此殊寵伏惟陛下察臣誠實特賜俞允

代狄宣撫賀捷表

臣某言正月十八日至邕州歸仁鋪蠻賊儂智高徒

黨出城迎戰登時殺獲首領黃師必等二千餘人當  
夜儂智高燹城將帶殘徒潛遁尋差兵甲及溪峒壯  
丁襲逐今月某日已出省地界者萬里奉詞蓋肅將  
於元討蠻蠻一戰遂收復於邊城中謝竊以國家威  
疊四方恩涵八表日月所照悉解辭而來庭舟車所  
通輦輦盡賁而修貢春蠶爾廣源之部族本惟交趾之附  
庸自肆陸梁招納亡叛乘邊陲之失備興戈甲以內  
侵焚蕩州閭鈔劫生聚遠浮江鬱直抵番禺自嶺而  
南忘戰茲又忽逢衝突無不驚駭亦嘗屢遣師徒分  
命將帥軍無部伍人不齊同勇者邀功而鮮謀怯者



貪生而先退賊既未經挫衄愈恣猖狂臣忝預諮詢  
日親機宥覩茲醜類能不疚心久煩旰食之憂敢忘  
請行之志果蒙睿眷見許愚忠授成筭以即途如寵  
名而異數常慮虛叨遣寄不副主知况彼竊據城池  
圖爲巢穴守於九地之下未易進攻御以七擒之奇  
固無良策而乃敢率犬羊之衆前當貔虎之師意拒  
轍而甚驕勢破竹而先解橫尸滿野委甲如山既觸  
網以計窮遂焚營而宵遁係累者逸老幼得以再生  
煨燼所餘金帛積而無筭再獲金城之固幾還銅柱  
之封非臣短材能集茲事此蓋皇帝陛下宸機電發

睿畧天成事達其情體漢光之遠照師行以律賜魏  
武之新書故此克強遽然破碎撫其彫瘵浸惠澤於  
民心殲彼狡頑振天聲於方外臣無任

進平蠻記表

臣某言古者興師命將征討四方必有開府之賡參  
聞策略所以廟堂成筭惟帷密謀擒縱之奇俘馘之  
實以撰述備史氏之採摭焉故竇憲燕然之勳陳湯  
郅支之捷震疊天聲與大漢傳於無窮者用此術也  
伏惟皇帝陛下龍德天飛三十餘載塞外無未羈之  
虜域中無不順之臣以北胡之疆盛而締於歡盟以



西夏之陸梁而終於屈伏夫何小醜敢干天誅彼懷  
智高者蠢爾邊蠻生自凶族稔知邊鄙之無備廣招亡  
叛以協謀直趨蕃馬圖據豈管燔毀者十二郡殺掠  
者數萬人南方繹騷殆且半歲陛下出於睿筭特命  
樞臣董統虎貔奉辭討逆金鼓一震羣凶席卷此蓋  
皇威奮揚軍政整肅人思用命使之然也殿中丞馮  
炳奉詔掌管機宜備見師行始末自智高舉事以致敗  
亡凡朝廷處置軍前號令及賊之勝負一能編之詞  
無虛美事皆實錄以臣共在行陣遂抄副本見寄臣  
嘗忝史官見今之撰日曆者常執簡於數年之後至

乃搜尋檢訪罕能完備今馮炳於已事之際編輯事  
實一無遺墜竊以方叔甫征列在詩雅充國西伐叙  
於史贊非獨顯勲臣之績用于以播國家之休烈其  
馮炳撰平蠻記二卷已依本繕寫并臣去年准宣撫  
使劄子准樞密院劄子奉聖旨殺到蠻賊尸首築為  
京觀仍立石其上鐫記年月及殺獲人數臣尋撰成  
京觀記刻石立于邕州歸仁鋪蠻塚之側又於桂州  
北門之外就崖石磨刻出師平賊受筭凱旋年月以  
宣示皇朝威令用肅遠方今併此碑文別為一卷同  
馮炳所撰記共成三卷謹隨表進呈伏乞宣付史館



賀生擒儂智高母表

臣某言十月二十四日於大理國特磨道生擒到蠻賊儂智高母為擒太后阿儂并弟儂智光男儂繼宗儂繼封等尋差管押於今月初五日起離邕州赴闕去訖皇化遠覃通九譯而無外天誅所及雖萬里而必擒中謝伏以國家三聖開基千歲接統思區請吏海表同文嗟彼蠢蠻產茲悍婦會于凶族濟以姦謀篡父黨以假權屠子婿而無土自開邑部靡識君師習為豺狼遂生蛇豕去附庸之舊壤并傍近之小區侵軼省封偷延歲律邊臣罔上不以實聞寇孽野

由之內侮以至燔毀郡縣係虜吏民東剽番禺北窺桂象屢敝王命圖據邊關所賴者層莽受成樞臣總律犬羊之衆迎刃而亡禽鳥之驚棄巢而遁永言夷域絕異華風毒霧鬱而上蒸銳旅艱於深入假辯士之緩頰誘群蠻而協心峒民授甲以赴期寇黨倒戈而自請衆謀直集元惡就擒猶託井蛙而自尊豈知天網之難漏本根既舉枝葉必從眷是炎荒漸紆邊患此蓋皇帝陛下堯仁天覆漢詔春融恢皇業而俗既大同疊天威而遠無不諷故得九夷之外聞恩信以咸來一惡所歸在逃遁而靡隱罔遺寸鐵遂



獲渠魁再清銅柱之郊庸正彙銜之戮亮惟朝著同  
震懽聲臣伏限守任邊州不獲抃蹈闕庭臣無任

賀誅儂智高毋表

臣某言據本州進奏官中管軍使儂智高等大理國已  
斬除訖奉聖旨何儂腰斬儂智光儂繼宗繼封各處  
斬訖者卉服之蠻敢干國紀彙銜之戮用正天誅中  
謝伏以國家道貫百王德涵萬寓東漸西被邈踰堯  
禹之封北洽南翔迥溢漢唐之域蠢茲凶族素隸侯  
藩嘗竊地以逃來因拒闕而弗納而乃贅居邊境盜  
弄兵鋒驅掠吏民燔劫郡縣久安之俗聞寇則驚焉守

長棄城而悉奔士卒投戈而自潰乘此繹騷之勢肆  
行僭擬之名毋號感星年稱啓曆蹂踐者十二郡屠  
害者數萬人還據金湯圖爲窟宅繇是虜謀獨斷樞  
輔專征廟堂之筭有成步騎之師齊進爪牙雖衆當  
一戰以皆摧巢穴既傾棄六親而莫保寓所生於假  
父之國投孤族於遠夷之君過爲巧詐之詞自作偷  
生之計殊不知天下共惡神理弗容蠻貊雖遙息信  
可結元兇支黨先從原野之誅頑媿孽童卒伏市朝  
之法國章明備式昭雷電之威天網恢疎難漏鯨鯢  
之戮四方共快萬口同詞臣伏恨遠守郡條不獲蹈



舞闕庭臣無任

賀曲赦表

臣某言今月初一日馬遞赦書一道至安撫司以殺獲蠻寇收復邕州曲赦廣南東西路者登時同官吏集衆宣示軍民依例施行訖狂蠻竊發遽騷嶺海之邦庶彙重蘇遠雷雷雨之澤中謝伏以國家接千歲之統擁百神之休一六合而同風重九譯而脩贄蠢然獠族素附交城父爲戮而不悛母同惡而增酷廣招亡叛庸濟狡兇窺邊隙以漸深極兵鋒而爲暴遠趨南海戈鋌肆掠於越郊還據兩江文檄徧邀於黃

洞安祈枝附潛覬土疆王怒以遣師輟樞臣而總律顧茲烏合未測天亡初居井以自深俄當轍而來拒大羊雖衆聿成膏斧之誅羽翼先摧遂起焚巢之計既已驅除醜類恢斥邊關捷布繼聞德音遽霽念深黎庶懼此憫凶特推恢大之恩仍協發生之候此蓋皇帝陛下乾剛下濟天惠周施澤無被於存亡民用忘於疲瘵拯其焚溺匝南夏而永康育以慈和與萬方而同泰臣無任

賀德音表

臣某言准尚書刑部牒准皇祐六年三月十七日德



音改皇祐六年爲至和元年應西京及諸道州府軍  
監縣等見禁罪人限德音到日死罪降從流流罪已  
下並放當時軍州官吏軍民宣示施行訖先天布令  
以召四時之和罪已興言特引萬方之過邦刑是恤  
聖德惟新中謝竊以日月之行周適常數元人之應  
必感至誠永言合朔之期或偶二交之次遂成虧薄  
著驗經纏祭社責陰春秋之故事避寢修政帝王之  
舊規恭惟皇帝陛下道迪大中志深寅畏因三辰之  
示變詔六職以修方特推汪濊之恩躬行消復之要  
漢紀元之大號期敷祐於羣生更也之明兆民共仰

肅然之澤函夏同懽臣伏限守職邊郡不獲林蹈闕  
庭臣無任

### 賀南郊赦表

臣某言今月十六日馬遞赦書一道至邕州以十一月  
四日南郊禮畢大赦天下者當時集本州官吏軍民  
等對衆宣示依例施行訖昭事上帝式遵大報之儀  
敷錫庶民庸洽來同之福中謝恭惟皇帝陛下接千歲  
之統運三神之釐震威九區化覃萬寓偃閑師節宣  
暢淳風年穀屢豐瑞與不絕玉幣消繁虔事天之誠  
壇廟肅祇無嚮親之孝膺天地之貺故二儀合祭而



有嚴承祖宗之休故三聖偕侑而為始禮交樂具物  
遂時康均此純禧霈然諸夏神明來格求福不日  
穢蕩清與民更始至於斥去告訐裁減賦租誅求之  
官釋逋負之責斯皆講盛德之事隆太平之基凡有  
歡呼萬邦同泰臣伏限守職邊郡不獲抃蹈闕庭臣  
無任

賀裕享赦表

臣某言今月十六日准樞密院逋到裕享禮畢大赦  
一道當時集官吏軍民宣示施行訖宗祊安祀講  
隨典以親行醫兩湛息匪餘區而普及軍民踈踊中外

歡呼中謝伏以國家祚稟赤精運興累聖藝祖題期  
而立極神宗奕葉以承休迨文考之握樞至太平而  
輯化並垂千古之餘烈此皆百世而不祧恭惟皇帝  
陛下祇邁先猷大寧諸夏固嘗備潔牲玉奉見郊立  
啓八陛之壇答二儀之既侑三聖于上帝附羣后於  
闕宮親籍田之耕配明堂之享惟茲合食之盛祭又  
委有司之攝行舉是闕儀允為大典辨昭穆之序正  
乎東向之尊均朕膺之禧表乎祀事之重漢詔寬大  
齊民樂康減賦罷征乃人心之至願恤災宥過實生  
之所先垂身盡識於昇平戴白同懷於悅豫臣無任



謝恤刑表

四序均和聿屆蘊隆之候萬邦在宥爰推欽恤之仁  
中謝切念臣本乏吏能謬當州寄屬傷夷之乍起復  
忠愛之未孚粵此撫封寧無滯訟涉茲煩溽或窘倥  
牢上軫宸聰俯憐遐俗譬諸籠檻開以尉羅特示哀  
矜之懷庸頒寬大之詔敢不恪遵漢制祇稟堯言獄  
未逮於簡字情靡忘於伏念度俾係纍之者無嗟暑  
暘之傷恢布聖恩遠周邦域

謝賜曆日表

恭以國家政通三統德輯群元應淳耀以題期罄幅

負而受朔臣濫階儒學猥領郡條因史官推策之勤  
見聖人先天之用奉本朝治象之法式謹王正示庶  
民啓塞之時裨知帝力臣無任

謝傳宣撫問表

臣某言今月初九日入內內侍省內侍殿頭張昭壽  
到昭州蒙恩傳宣撫問者中謝伏以國家恩涵四海  
威疊八荒蠢茲徼外之狂蠻素號日南之小族自焚  
廬帳深入封疆未即誅夷上煩宵旰臣才非通濟命  
本羈孤誤分方面之憂適在傷殘之後道路之勤雖  
至犬羊之戮尚稽方懼國章遽傳天語王人之重來



自日邊口勅初聆如親帝所愧之前茅之慮或深挾  
續之恩敢不誨諭師徒敷陳逆順共勵在和之節庶  
成破賊之功無使腥羶得還巢穴上依睿筭期振天  
聲無任

謝傳宣撫問表

臣某言今月二日入內內侍省內侍殿頭高居簡劄  
州伏蒙聖恩傳宣撫問者人自日邊遠頒於休命語  
傳天上如對於清光揣已甚微荷恩至厚中謝恭惟  
皇帝陛下不承景運祇配嚴禋內盡志於祖宗畢薦  
誠於嶽瀆臣忝分朝寄遠在海邦光華之使斯來郁

穆之言遽及鞠躬聽命初同楚續之溫闔郡改觀共  
識堯雲之澤但臣無任

慰溫成皇后張氏薨表

臣某言進奏院正月八日追冊溫成皇后張氏薨謝  
者函夏之廣聞問咸驚中謝伏以溫成皇后德稟儒  
門化恢嬪則動守珩璜之節退思圖史之規樛木稱  
賢協隆陰教藏舟茹嘆遽掩春華恭惟皇帝陛下特  
軫哀慈俯追遺懿禮崇三翟增象服以伸懷恻動六  
宮引鸞輅而加愴臣無任



武陵集卷之六

十五

武陵集卷第十六





